


BOGONA BJA MODIMO

BJO BO SA LEMOGWEGO

 Bjale ge mašaba a rena a le a mannyane, re ya go leka go—go potlaka, go tšwela ntle go re re kgone, go šomela morero wo motee wo, go lena go lemoga Bogona bja Jesu Kriste. Le a bona? Ge A le gona, gona, gobaneng, se sengwe le se sengwe se rarolotšwe. O dirile Lentšu. O fa go Le tiišetša. O netefatša gore O tla Le tiišetša. “O no ba wa go swana maabane, lehono, le go ya go ile.” Re mmona A e dira bošegong bja go feta, ka go se šitwe; re A mmona, bošego morago ga bošego, le letšatši lorago ga letšatši, le ngwaga morago ga ngwaga. Ga se nke go be le nako A ilego a bolelelapele e ka ba eng, go sa tshwenyeye go bile neng, ge e tla direga, go tšwa go makga a dikete, a se se bilego tlwa mo mothalong, mo nakong, le go nepa. E kgona go ba bjang? Ke ba bakae ba tsebago seo, le go tseba bodiredi, le go tseba gore seo ke therešo? [Phuthego e re, “Amene.”—Mor.] Ke lena bao. Ga go nako e tee, go sa tshwenyeye, ebile ga go kgonege gakaakang, e diragetše feela go swana. Yena ke Modimo! Gomme ge re ka no lemoga seo, go e swarelela!

² Gomme bjale re no ba le nako ye kopana fa. Ke nagana mašego a mararo gape, goba mašego a mabedi gape le letšatši, morago ga bošegong bjo. Ke nagana Mokibelo morago ga sekgalela ke tirelo ya go tswalela. Re leka go tswalela ka Lamorena morago ga sekgalela go re badiša le yo mongwe le yo mongwe. . . . Ga re nyake go le swarelela go tloga go kereke ya lena. Re no nyaka go oketša bontši go kereke, le go le fa tumelo ye ntši ka go Modimo gore le direle ka kerekeng ya lena. Le a bona? Gomme ga re nyake mabati a kereke a tswaletšwe, le ka mokgwa ofe. Re le nyaka le dula fale, eupša re no leka go le thuša, go le hlohleletša. Tsošetšo ebile ga e re go oketša bontši go kereke; tsošetšo e ra go tsošološa seo o šetšego o na naso; ye ke nnete, tsošetšo.

³ Ke bogetše nako ye nngwe go lešing la lewatle, moo phefo e bego e foka, gomme e be e no šikinya. Gobaneng, e be e se leši la lewatle, e be e le—e be e le godimo go Letsha la Michigan. Ke be ke eme fale ke bogetše maphotho ge a be a etla ka gare, gomme—gomme, oo, lewatle lela le be le taboga, goba meetse a taboga, gomme—gomme diketswana di tekema. Gomme ke naganne, “Ke eng se se diregago?” Ke naganne, “Gobaneng, letsha le na le tsošetšo.” Yeo ke yona. Le taboga le go šikinya, gobaneng? Go ne phefo ye maatla e kitimago e theogelago go lona. Ke naganne, “Gabotse, le a tseba ke eng? Ga go ne lerothi le lengwe la metse bontši ka go lona go feta a a bego a le ge le be le homotše tuu.” Ga

go meetse a mantši ka go lona; a no ba ohle a huduilwe. Gabotse, a huduiegile mabapi le eng? Le a tseba se go hudua meetse go se dirago? Go hlatswa togotogo yohle go tšwa go lona, godimo mo leribeng.

⁴ Ke seo re se hlokago, go hlatswetšwa ntle ga gosedumele, mo leribeng. Anke Lentšu la Modimo le be le bolaodi. Ke seo re se hlokago, tsošeletšo, gomme e hlatswetše gosedumele gohle ntle, le dikhunkhwane tšohle le ditumelokhwelo, le dilo. Tšwelang ntle gomme le bone gore Modimo o sa le Modimo. Ke seo re ba go le ditsošeletšo bakeng sa sona.

⁵ Morena a re thušege re kgetha sehlogo se le go se balela bošegong bjo. Anke Morena a šegofatše palo ya Lentšu la Gagwe, le hwetšwago ka go Mokgethwa Mateo, te—te temana ya 12, ya 38 go fihla go temana ya 42.

⁶ Gomme sehlogo sa ka ke: *Bogona Bja Modimo Bjo Bo Sa Lemogwego*. Bošegong bja go feta re be re bolela ka Jesu go beng go swana maabane, lehono, le go ya go ile, le go bona gore O be a swana maabane, lehono, le go ya go ile. Bjale Bogona bja Gagwe, ge A le wa go swana, ga bo lemogwe. A re baleng.

Ka gona ba bangwe ba bamangwalo le ba Bafarasei ba fetotše, ba re, Morena, re nyaka go bona leswao go tšwa go wena.

Eupša o fetotše gomme o rile go bona, Moloko wo mobe le diotšwa o nyaka leswao; gomme ga go leswao ba tlo go le fiwa, eupša leswao la moprofeta Jona:

Gobane bjalo ka ge Jona a bile matsatši a mararo le mašego a mararo mpong ya hlapikgolo; go bjalo Morwa wa motho o tla ba matsatši a mararo le mašego a mararo pelong ya lefase.

Batho ba Ninife ba tla tsoga ka ka kahlolong le moloko wo, gomme ba tla o ahlola: ka gobane ba sokologile go thero ya Jona; gomme, bonang, yo mogolo go feta Jona o fa.

Le kgošigadi ya borwa e tla tsoga ka kahlolong le moloko wo, gomme o tla o ahlola: ka gobane o tlile go tšwa dikarolong tša kgolekgole tša lefase go kwa bohlafe bja Salome; gomme, bonang, yo mogolo go Salome o fa.

⁷ Bogona bja go se lemogwe! Batho ba ba ka be ba be ba nagana ka eng? Modimo ka mehla, go bile ka tsela yela nako le nako ge A etla. Ge Jesu a be a le fa lekga la mathomo, O rile, “Le—le penta le go thakga maboto le mabitla a baprofeta, gomme le ba beile ka fale.” Le a bona, se sengwe se a direga, gomme se a feta. “Gomme Modimo e se uta go tloga mahlong a bahlale le batlhaologanyo, gomme o se utollela masea bjalo ka ba ba ithutago.” Jesu o lebogile Tate bakeng sa go dira se sebjalo. Le a bona? E feta batho thwi gomme ga ba e tsebe.

8 Mohlala, lena batho ba Katoliki mo bošegong bjo, le elelwa mengwageng e sego mekae ya go feta, Jaon wa Arc, ka Fora, mohumagadi yo monnyane yo ka kgonthe a bego. . . O etilepele mokurukuru ka Fora, eupša ka kgonthe o be a le mo—mo mohlanka wa Kriste. Kereke ya lena e mo dirile eng? E mo tšhumile mo koteng, bjalo ka moloi, ka gobane o bone dipono gomme o be a le wa semoya. Kereke ya Katoliki e mo tšhumile, bjalo ka moloi, mo koteng, ka gobane o be a le wa semoya gomme o bone dipono. Mengwaga e se mekae morago ga fao, ba hweditše gore mosadi yola o be a le mokgethwa. Kafao nnete le dirile boitsholo, le epile mmele wa baprista bale ba mo ahlotšego le go mo tšhuma, gomme le ba lahletše ka nokeng. Nnete, gore, le dirile boitsholo bjo bogolo bakeng sa seo, go epolleng mmele wa baprista bale.

9 Bjale, mo matsatšing a baprofeta, go diregile eng? Ba dirile selo sa go swana. Ga se ba ba lemoga go fihla ba šetše ba tlile, bodiredi bo fedile, go tšerwe go tšwa go bale Bakgethiwa, gomme ka morago ga ge ba ile ba lemogile gore go bile le moprofeta magareng ga bona.

10 Jesu, O tlile lefaseng. Go tla ka gare ga Gagwe go be go le Tate Modimo. “Nna le Tate wa Ka re batee. Tate wa Ka o dula ka go Nna. Ga se Nna yoo a dirago mediro, eupša Tate wa Ka. Gomme ge Ke sa dire mediro ya Tate wa Ka, se Ntumeleng.” Bjale, ge le lemoga ge A tlile, go nyakile tee—tee masomesenyane ya lefase ba tsebile gore ebile O be a le mo lefaseng ka nako yela, gomme efela Mophološi wa lefase. Gomme gona ga se nke ba lemoga O be a le Mang, ebile le kereke goba le ge e ka ba yo mongwe, ga e kgone, go fihlela ba Mmapotše, ba mmolokile, gomme a tsogile mo letšatšing la boraro, pele ba ka tsoge ba tseba O be a le Mang.

11 E tsena ka gare le go tšwela ka ntle, gomme batho ga ba e lemoge fo fihlela e fetile, gomme, bona, ka gobane ga e ke ya swanetša thutamodimo ya bona, ga e tsoge ya swanetša nako ya letšatši. Le a bona, se e lego, ka mehla ba phela ka go phadimo ya lebaka le lengwe, ka mehla.

12 Lebaka le ba sa amogelago Jesu, ka gobane ba be ba phela ka go phadimo ya Molao. Gomme ge Jesu a tlile, o be a se kgahlanong le Molao, eupša go tla go phethagatša Molao, gabotse, ga se ba kgone go Mo amogela ka gobane Molaetša wa Gagwe o be o se tlwa ka tsela ye ba bilego le ona o dirilwe thutotumelo, gomme nako yela o be o bitšwa metlwae. Gomme ga se A tle go ya ka metlwae ya bona. Ga se A boloke metlwae ya bona. Gomme ka kgonthe O e dubagantše, le go e ripaganya, le—le go dira dilo tše di bego di le kgahlanong le ona, gagolo gore ba naganne O be a thuba dikereke. Gomme ba be ba ka se Mo amogele ka lebaka la Molaetša wa Gagwe. Gomme re a tseba bohle lehono gore O tlile tlwa mo mothalong wa seprofeto sa Modimo, eupša ga se ba se tseba nako yeo.

13 Gomme go ka direga gape, gomme re ka se e tsebe. Ke eleletša ge ka nnete A ka bonagala bošegong bjo, go tla ba kgahlanong kudu le se re se eleleditšego ditšhateng tša rena, le ka dikolong tša rena le dilo. Go tla ba ba se bakae ba tla lemogago se se bego se direga. O rile go tla ba seo, ka fao A tlogo.

14 Bjale, Jesu a le fale go ya ka Lengwalo bjalo a tsebagaditšwe ke Mangwalo, gomme Bamangwalo le Bafarasei ba letsatši lela ga se ba kgone go Mo lemoga. Gobaneng ba se ba, gobaneng ba se ba e dira? Ka gobane ba bile le yona e eleleditšwe ka tsela tsoko ye nngwe. Ke moo Jesu a ba boditšego, “Puruputšang Mangwalo, ka gobane ka go ona le nagana gore le na le Bophelo bjo Bosafelego, gomme ke ona ao a pakago ka Nna.” Le a bona? Bjale O tla thwi ka Mangwalo. Eupša ba bile le yona e thadilwe mohlomongwe gore O tla tla, Mesia ka kgonagalo o tla dira se Moshe a se dirilego, goba se Noage a se dirilego, a ba agela areka goba se sengwe, gape. Eupša, lebaka A tlilego ka tsela ye A dirilego, ba be ba se ba e eleletša; Mangwalong ka metlwae ya bona, ga se e ba rute; kafao batho ba be ba hlakahlakane kudu ba be ba sa tsebe go diragala eng.

15 Ke a makala ge seo se ka direga lehono? Ke a makala ge go ka fapana go feta se metlwae ya rena e re rutilego? Gomme e ka tla, gomme se sengwe se tla feta go kgabola gomme ebile re ka se tsoge re tsebile go fihlela se šetše se fetile, gomme nako yeo go fedile. Yeo e nyakile go no ba tsela ye e tla tlogo.

16 A le a tseba, ge Johane Mokolobetši a etla tiragalong, seo se be se akanyeditšwepele tsela yohle go tloga go Puku ya Jesaya, mengwaga ye makgolokgolo? Go ka ba mengwaga ye makgolo a seswai, Jesaya o profetile, ke a nagana, pele ga go tla ga Kriste. A le tsebile Johane o tlile tlwa ka tsela ye Jesaya a rilego o tla tla, o tla tlwa ka tsela ye Maleaki a rilego o tla tla, gomme ebile le baapostola ga se ba e lemoga? Letsatši le lengwe, ka go Mateo 11, Johane o be a le kgolegong; gomme baapostola, ba bangwe ba barutiwa ba gagwe ba ile godimo go botšiša Jesu O be a le Yena, goba—goba a ba swanetše go lebelela yo mongwe.

17 Bjale hlokomelang, Jesu ga se a ba fe puku a itshware bjang yenamong, a itshware bjang yenamong ka kgolegong, goba a itshware bjang semelo sa gagwe. O rile, “Dulang tikologong gomme le šetše se se diregago, gomme eyang le bontšhe Johane dilo tšeo le di bonego di direga.” Bjuo e bile bohlatse gore . . . O be a le Lentšu lela.

18 Gomme bjale elelwang, Lentšu ka mehla le tla go moprofeta. Bohle re tseba seo. Modimo ga a dire selo ntle le go e bontšha baprofeta ba Gagwe. Leo ke lebaka Puku ya Kutollo ya Jesu Kriste ke tlalo ya botlalo bja Kriste thwi fa pele ga rena, Puku. Bjale O tla swanela go roma yo mongwe, yo mongwe go tiišetša Puku yela, go E utolla, go bula Mahuto, le go ya pele. Eupša ge go etla go kutollo ya kgojana ya Kriste, e šetše e lemogillwe thwi

Mo. Ke Yena botlalo bja Ye, ya Kutollo. Bjale lemogang, ga e nke ya šitwa, eupša Lentšu le tla go moprofeta.

¹⁹ Lebelelang Johane a eme ka meetseng, a akanyetšapele, moprofeta, gore Mesia o be a le thwi magareng ga bona. O rile, “Go na le Yo yo a emego magareng ga lena bjale, yoo le sa mo tsebego; O tla le kolobetša ka Moya wo Mokgethwa le Mollo.” Bjale elelwang, O be a eme thwi magareng ga bona, Beibele e boletše bjalo, gomme ga se ba E lemoge. Letšatši le lengwe ge Jesu a tlile a sepelela tlase, Johane o Mo lemogile, gomme o rile, “Bonang Kwana ya Modimo yeo e tlošago dibe tša lefase.” Bjale šetšang, pele ga ge A ka lemogwa ke e ka ba mang, O tlile go moprofeta. O be a le Lentšu. Johane o be a le moprofeta.

²⁰ Ke elelwa morutiši wa ka wa kgale wa Baptist o mpoeditše, o rile, “O a tseba go diregile eng?” O rile, “Jesu o kolobeditše Johane.”

Ke rile, “Ga ke nagane bjalo.”

²¹ O rile, “Kgonthe, Johane ga se nke a ke a kolobetšwa; o tlile a rera, a kolobetša, ga go yo a bilego le maswanedi go mo kolobetša. Jesu o mo kolobeditše.”

Ke rile, “Ga ke tsebe.”

²² Gomme letšatši le lengwe ge ke ithuta, Moya wo Mokgethwa o e utolotše ka mokgwa wo, le a bona. Šetšang, O sepetše go tšwa ka meetseng; o rile, “Gobaneng O etla go nna? Ke hloka go kolobetšwa ke Wena.” Jesu o rile, “Lesa seo go ba bjalo,” šetšang, “eupša go bjalo go re swanetše (tshwanelo go rena) gore re phethagatše toko yohle.” Johane, a le moprofeta, a tseba Lentšu! Sehlabelo A bego a le, se swanetše go hlapišwa pele se neelwa; morago O ile a kolobetšwa, Johane o Mo kolobeditše, ka gobane, “Go re swanetše gore re phethagatše toko yohle.” Lentšu le tlile go moprofeta, ka meetseng.

²³ Gomme nako yeo ge A kolobeditšwe, go sa le batho. . . Gomme Moya wo Mokgethwa o theogetše tlase, ga se mang le mang a O bonego. Johane o O bone.

²⁴ Morongwa wa Morena a ka ba thwi fa bošegong bjo, gomme mohlomongwe motho o tee a Mmona, gomme e sego yo mongwe gape.

²⁵ Seetša sela, Naledi yela yeo e tlogo go bohlolelo bjo bongwe le bjo bongwe, moo ba—ba banna ba bohlale ba latetšego; ga go bohlolelo bjo bo tsebago e ka ba eng ka yona, ga go yo a E bonego, le gatee, eupša banna bale ba bohlale, ka gobane e be e le go bona go E bona. Ba E bone. E be e le kgonthe go bona.

²⁶ Ge Seetša, Pilara ya Mollo, e rathetše Paulo fase, mo tseleng go ya Damaseko, o lemogile gore o be a le Bogoneng bja Modimo. Bjale, Mohebere yola a ka be a sa nka a bitša moya e ka ba ofe wo mongwe, “Morena,” ntle le ge a tsebile Wola e be e le Pilara

ya Mollo ya go swana yeo e etilegopele batho ba gabo go tšwa lešokeng. O rile, “Morena, Wena o Mang?”

“Saulo, Saulo, gobaneng o Ntlhomere?” O rile, “Ke nna Jesu.”

²⁷ Jesu o rile, “Ke tšwa go Modimo, Ke boela go Modimo.” O be a le Mollo wola woo o bego o le ka go sethokgwa se se tukago, woo o etilegopele Moshe go kgabola lešoka, gomme O boetše morago go Yela.

²⁸ Gomme bjale šo o be a le fa, mo tseleng tlase go ya Damaseko, o rathetšwe fase. Gomme monna bohle ba bego ba na naye, ga se nke ba ke ba bona Pilara yela ya Mollo. Gomme e bile kgonthe kudu—kudu go Paulo go fihlela e mo foufatša, gomme o ile a swanelwa go hlahlwa tlase go mmila o bitšwago Tselathwii, ka Damaseko. O be a foufetše.

²⁹ Anania, moprofeta tlase fale, o bone ponong, o ile le go bea diatla go yena gomme o amogetše Moya wo Mokgethwa, gomme dikgapetla di wele go tšwa mahlong a gagwe gomme o kgonne go bona gape. Se bile kgonthe kudu go yena go fihla se foufadišše mahlo a gagwe, gomme efela ga go o tee wa ba ka moka ba bona a Se lemogilego go beng fale, a kgonnego go Se bona.

³⁰ Go bjalo—go bjalo le bošegong bjo! Go na le yo mongwe a dutšego thwi fale a ka kgonago go tliša Modimo mo tiragalong, mola yo mongwe a ka se tsebe selo ka ga Yona. Go lemoga Modimo!

³¹ Gomme Jesu, ge A be a le mo lefaseng, gomme a dirile ka botlalo leswao leo Beibele e boletšego O tla le dira, eupša ga se ba le lemoga ka gobane le be le se go ya ka motlwae wa bona. Go lebaka lela, O be a se wa go tla le go dira se Moshe a se dirilego. O be a le wa go tla le go tswalwa ke kgarebe. Gomme Yena, le go ya ka Doiteronomio 18:15, O be a eya go ba Moprofeta. Gomme tlwa O dirile mediro le maswao ale.

³² Bajuda ka mehla ba nyakile maswao. Ba be ba rutilwe go se tsoge ba itshama ka dipolelo tša bohlale; Bajuda ba tsebile bokaone go feta seo. Bagerika ba rutilwe seo. Eupša e sego dipolelo tša bohlale, eupša godimo ga maswao. “Re bontšhe leswao.” Batho ba, yo mongwe o rile, “Rabi, goba Morena, re bontšhe leswao.” Ba nyakile go tseba. Gomme O be a šetše a ba laeditše leswao, gomme ba nyakile mohuta wo šele wa leswao, eupša O kgonne feela go dira leswao la lebaka la leo.

³³ O dira bjalo le lehono, tšhollelo ntle ye ya Moya wo Mokgethwa ye ke leswao la go bonagala ga Gagwe ebile le ka go lebaka le, bjalo ka ge A tshepišitše.

³⁴ Ba nyaka leswao, gomme O be a ba file leswao la Lengwalo, eupša ba nyakile leswao le lešele.

³⁵ Moo ke mo batho ba bantši lehono ba yago go hlakahlakantšhwa. Le a tseba, Tlhatlogo e ka diragala, gomme

nno naganang ka manyami a yona! Anke ke ye morago go moo Jesu, goba . . .

³⁶ Johane o rometše barutiwa ba gagwe godimo go bona Jesu, ge eba O be a le Mesia goba aowa. Iring yeo, O dirile dilo tše dintši. Ge a boile morago, barutiwa, go botša Johane se ba se bonego, Jesu o rile go bale ba dutšego fale, o rile, “Le be le tšwetše ntle go bona eng lešokeng? Le be le tšwetše ntle go bona eng ge Johane a be a rera? A le ile ntle gomme le bone monna a apere diaparo tše tšhweu, le go ya pele, goba—goba diaparo tše boleta?” O rile, “Bona ba . . . dipaleising tša dikgoši. Ba boloka bahu, le go atla masea, le go nyadiša baswa, le go ya pele, bao. Ga ba tsebe go swarwa ga tšhoša ya atlatšepedi.”

³⁷ O rile, “Le tšwetše ntle go bona eng gona, lehlaka le le šikinywago ke phefo e ka ba efe, yo mongwe, sehlopha tsoko se tla mo fa tšhelete ye ntši gannyane gomme o tla ya godimo go se go e na le go ya ka pitšo ya Morena? E sego Johane! Yo mongwe a ka kgona go mo sopasopa, a re, ‘Re tla go fa bontši ge o ka gana *Se gomme wa tšea se*?’ E sego Johane!” O rile, “Le tšwetše ntle go bona eng gona, moprofeta?” O rile, “Ke re go lena, ‘go feta moprofeta.’ Gomme ge le ka kgona go e amogela, yo ke yena yo moprofeta a rilego, ‘Bonang, Ke roma motseta wa Ka pele ga sefahlego sa Ka, yo a tla lokišago tsela.’” Gomme yeo e be e le Maleaki 3, moo a e dirilego.

³⁸ Letšatši le lengwe barutiwa ba Mmotšišitše, ba rile, “Gobaneng Bamangwalo ba bolela gore Eliya o swanetše go tla pele?” Jesu o rile, “O šetše a tlile gomme ga se le e tsebe,” gomme ba kwešišitše gore e be e le Johane Mokolobetši. Baapostola ba ba kgethilwego go le bjalo ga se ba kgone go bona o be a le mang. Yola e be e le Eliya.

³⁹ Bjale lebelelang. Le a tseba, go—go Tla ga Morena go ya go ba go tla ga sephiri. O rile, “Go tla ba ba babedi malaong, gomme Ke tla tšea o tee le go tlogela o tee,” moo ke mo bo—bo bošego bo lego. “Babedi mašemong, Ke tla tšea o tee le go tlogela o tee.”

⁴⁰ Le a tseba, go na le batho ba bantši ba timelelago letšatši le lengwe le le lengwe, go tloga sefahlegong sa lefase, bao go sego yo a ka go ba balelwa. Le lengwe la matšatši a go ka ba gore batho ba ka re, “Gabotse, o ra gore tlaišego, selo se godimo ga rena bjale? Ke be ke nagana Kereke e be e swanetše go sepela pele ga tlaišego.” Ga ba lemoge le go kwešiša gore Tlhatlogo e ka diragala gomme ba se tsebe selo ka ga yona; ke go sepela ga sephiri ga Kereke.

⁴¹ Gomme, naganang, batho ba tla ya pele ba rera, ba bolela ba a dumela ba a phološwa, le go oketša go kereke, le go aga dikereke, le go ya pele feela boka ba dirile mo matšatšing a Noage, le go ya pele, gomme ba sa e tsebe; gomme Tlhatlogo šetše e fetile, “e šetše e diregile gomme ga se le tsebe.” Go na le makgolokgolo a batho a timelela go tloga lefaseng gomme batho

ga ba tsebe selo ka ga moo ba ilego, ga ba kgone go e arabelela; yo mongwe o ya mo gongwe, ga nke ba tsoge ba kwa go tšwa go bona gape. Gomme yeo e ka ba Tlhatlogo.

⁴² Ke a le botša, bagwera, feela ka gore re maloko a kereke, goba se sengwe boka seo, seo ga se re bontši kudu go rena. Bokaone le apareng ditlhamo. Bokaone le tšeeng Lentšu lela la Modimo ka moka gomme le swarelele go Lona, gomme le tlogeleng go diragatša go ga Hollywood tikologong fa. Go fihlile thwi ka kerekeng, gomme ke dihlong. Eupša Hollywood e a phadima, e no dira seetša sa go kganya, gomme kereke lehono e leka go bapela le Hollywood. Kriste ga a ka go Hollywood. Kriste o ka go motho ka motho. Hollywood e a phadima goba . . . Hollywood e a benya, mola Ebangedi e phadima ka kokobelo. Modimo ga a ka go mafelo a a magolo a makaone a go bogega le selo sohle se re se bonago. O tla ka gare ka kokobelo, ka sebopego sa boleta le bonolo, a feta go kgabola thwi.

⁴³ Gomme ge le tlwaelane le Lentšu, le tla E bona. Yo a nago le leihlo, go kwa, “anke a kwe se Moya o se botšago dikereke,” le a bona bjale, bjale lehono, ye e tsebagaditšwego.

⁴⁴ O itsebagaditše Yenamong ka tshwanelo go badumedi letšatšing lela, bona ba ba bego ba e lebeletše. Lebelelang Petro le Andrea. Lebelelang Nathaniele, ga go potšišo ka monaganong wa gagwe. Lebelelang mosadi mo sedibeng, go be go se potšišo ka go yona.

⁴⁵ Eupša Bafarasei ba, matšatši a se makae pele ga moo sehlogo sa rena se lego bošegong bjo, ba Mmone a dira seo, gomme gona ba Mmiditše “Beletsebulu, diabololo.” Mediro e be e dirilwe. Ba be ba swanetše go araba phuthego ya bona, kafa o selo se nnoši ba kgonneggo go se dira e bile go o bitša “moya wo mobe.” Beletsebulu e be e le diabololo, boka mmolelelamahlatsepele goba se sengwe. Gomme mang kapa mang o a tseba gore go bolelelamahlatsepele ke ga diabololo. Gomme ba be ba bapetša, moo A bego a le Lentšu leo le tsebilego sephiri sa pelo gomme a—gomme a netefatša gore O be a le Moprofeta yola yoo a bego a swanetše go tsošwa go rena ka letšatšing le, Molopolodi Moprofeta; gomme ge A dirile seo, kereke mo letšatšing lela e Mmegile go ba “Beletsebulu.”

⁴⁶ Le a bona ba be ba le eng? O rile, “Le difofu, le hlahla sefofu.” Ga ba kgone go tsena, gomme e bile ba ka se dumelele bao ba lego ka tlase ga bona go tsena.

⁴⁷ Se re nyakago go se dira lehono ke go hwetša Therešo. Re swanetše go tseba Therešo. A O a swana? A O fa go phethagatša se A tšhepišitšego go se phethagatša? Puruputšang Mangwalo gomme le hwetše se A swanetšego go se dira lehono.

⁴⁸ Ke lebaka leo John Wesley . . . goba Martin Luther a sa kgonago go ya pele le molaetša wa Wesley; ba o kगतlofaditše, bjoo ke bokgole bjoo ba kgonneggo go ya. Luther o tlile go

bapa, go tšwa go kereke ya Katoliki, gomme yena ba... O be a le mokerenke, go bona; upša o bile le molaetša wa tokafatšo, 'gobane E be e le Lentšu la Modimo, tshepišo. Ka gona bona, morago ga lehu la gagwe, ba dirile Luther mokgatlo. Ka gona se se diregilego, se ile sa putukelwa gohle gape.

⁴⁹ Gomme go ya ka Lengwalo go swanetše go ba lebaka le lengwe la kereke le tsoga, gomme, ge le dirile, Lebaka la Kereke ya Filadelefa le tsogile, John Wesley. Gomme se se bego se diregile, se ile pele se etla go leba bodikela nako yohle. Gomme ge se diregile, go bile le lebaka la kereke, John Wesley o tsogile, eupša Luther ga se a kgone go o amogela ka gobane ba be ba šetše ba dirile mokgatlo go tokafatšo. Ga se a kgone go amogela tlhwekišo.

⁵⁰ Ka gona ge Mawesele a dirile mokgatlo ka tsela ye ba dirilego, gomme makale a mannyane a tlogile, a a dirilego, go tllile go bapa molaetša wa Pentecostal wa pušetšo ya dimpho; ga go le o tee wa bona a kgonnego go šutha, ba be ba šetše ba dirile mokgatlo.

⁵¹ Bjale karolo ya go šokiša ya yona ke, Mapentecostal a dirile mokgatlo kudu.

⁵² Lebelelang letšatši le re phelago, ke eng e tshepišitšwego bakeng sa letšatši le. Re mo kae? Re ile godimo. Pilara ya Mollo e a sepela, gomme bana ba Israele ba sepetše le Pilara ya Mollo goba ba boetše morago go Egepete. Re swanetše go sepela le Lentšu.

⁵³ Gomme lehono di tšwafa kudu, kereke e ba sefefase kudu le go fapana kudu, gomme kafao menagano ya bona e thankgetše kudu ka thelebišene, le *We Love Suzy* le tše dingwe tša dilo tše tša kgale, le go dula gae. Seo se bontšha moo dipelo tša batho di lego. Gomme o ka ba botša dilo tše di phošo, gomme ba nagana o a gafa. Ke eng? “Barati ba maipshino go feta go rata Modimo.” Le a bona?

⁵⁴ Oo, boipshino bjo bogologolo ke bo tsebago, ke go rapela go fihlela ke kgona go lemoga gore ke ka Bogoneng bja Modimo, le go bo lemoga. Ke nagana seo e swanetše go ba go tsikinya go Kereke, ke Bogona bja Moya wo Mokgethwa; go boneng Modimo yoo a dirilego tshepišo a eme magareng ga rena, go kwa Bogona bja Gagwe le go bona Lentšu la Gagwe, le go Le bona le hlatseditšwe. Bo swanetše go fa tumelo, go dira digole go sepela, difofu go bona, difoa go kwa, dimuma go bolela.

⁵⁵ Ke eme ka Afrika Borwa, moo ke bilego le batho ba itšego ba dikete tše makgolopedi lebaleng la mokato ka Durban, gomme ge ba bone lekga la mathomo seo se direga ka mokgwa woo, ka morago ga go ba hlalošetša, feela ka seemo se sennyane sa magareng; gomme ba bone selo se setee se direga, sa yeo se utolotšwe, gomme batho ba dikete tše masomepedi ba ile ba fodišwa semeetseng ka nako e tee. Ba tše merwalo ye šupa ya

bene, dithereka botelele bjalo ka go tloga *fa*, tša mabilo a tshela le a seswai ka mokgwa wola, gomme ba di paka go tlala ka dikota tša go sepela tša kgale le dilo. Bahetene, bao ebile ba bego ba sa tsebe seatla sa go ja le sa nngele.

⁵⁶ Gomme letšatši la go latela, Mna. Sidney Smith, ratoropo wa Durban, o nteleditše gomme o rile, “Eya lefastereng la gago, ntle go leba Lewatle la India, o tla bona se sengwe o sa nkago wa se bona.” Gomme e be e le maphodisa a farafarile merwalo yela e šupago ya dibene tše kgolo ba theogela tlase, le makgolokgolo a batho a sepela ka morago ga yona, letšatši pele ga moo ba be ba le godimo ga maako le malawana le dirwadi tše ba bilego le tšona, ba opela, “Dumela feela, dilo tšohle di a kgonega.” Beke pele, kua, ba be ba elwa seng sa bona, ntwa ya batho ba setlogo. Gomme šebale ba be ba sepela, letsogo ka letsogo, seatla ka seatla.

⁵⁷ Gobaneng? Ba lemogile Modimo wa Legodimo o be a bonagetše pele ga bona ka sebopego sa Lentšu la Gagwe. Gomme rena dihlafele tša Amerika re a dula. Ba tla tsoga mo Letšatšing la Kahlolo le go ahlola moloko wo, bakeng sa se re se bonego.

⁵⁸ Go nkgopotša ka mosadi ka Louisville, Kentucky, e se kgale kudu, o bile le lesea le lennyane, a sepela go dikologa ka lebenkeleng la sente tše lesome. Gomme o be a dira dilo tše dinnyane, a leka go le dira le lemoge, gomme lesea le lennyane le no tšwelapele le gomotše mahlo. Gomme mafelelong o topile pele ye nnyane, eng kapa eng ye e swanetšego go goga šedi ya moisa yo monnyane wa bogolo e ka ba bjoo. Gomme o šikintše pele, gomme moisa yo monnyane o no gomola mahlo ka pele. Gomme o thomile go goelela, le go wela godimo, gomme batho ba bangwe ba tla go mo thuša. O rile, “Oo, aowa, go ka se be! Go ka se be!”

Ba rile, “Bothata ke eng?”

O rile, “Ngaka e rile lesea le kaone.”

Ba rile, “Bothata ke eng ka lesea, mohumagadi?”

⁵⁹ O rile, “Gabotse, o bile le mantladima dikgwedi tše tshela tša go feta, gore o no dula le go gomola mahlo. Ga go tshwenyega se e lego, se swanetše go goga šedi ya lesea lala, ga e goge šedi ya lona, gomme le no dula le go gomola mahlo. Ngaka o mpoditše o nagana le be le le kaone. Gomme ke le tlišitše tlase mo, go topa dilwana tše dinnyane tše di swanetšego go goga ngwana yola, gomme ga e dire. O sa no dula le go gomola mahlo.”

⁶⁰ Ke ka tsela ye kereke e yago! Modimo o šikintše tshepišo ye nngwe le ye nngwe ka Beibeleng, pele ga bona. Go le bjalo re no dula le go gomola mahlo, re lebeletše. “Eng? Ntaetše leswao, a o tla?” Gomme go ya go ba nako yohle, thwi go re dikologa. Go tliša Bogona bja Modimo, go swanetše go re bonegetša. Ge Modimo a dirile tshepišo, O ema le tshepišo yeo. Ee, mohlomphegi.

61 Ka morago ga ge Jesu a netefaditše leswao la Gagwe la Mesia bjalo, gore O be a le Mesia yola, efela mo mahlong a tšohle tšeo, “Re bontšhe leswao.” Le a bona, ga se ba lemoge, ba be ba gomotše mahlo thwi pele ga bona. Go be go se ka go bona go dumela.

62 “O,” bjalo ka ge mme wa ka wa borwa a fela a bolela, “o ka se kgone go hwetša madi go tšwa go morogo, ka gore ga a gona fale.”

63 Go le bjale ga se ba Mo lemoga, ba fufaditšwe bjalo ke dithutotumelo tša bona le—le—le go ya pele, tšeo ba bilego le tšona letšatšing leo. Ga se nke ba ke ba tseba Mangwalo a tshepišo, ka gobane dithutotumelo di be di e khupeditše. Dithutotumelo le metlwae ya bona ya letšatši leo e be e khupeditše Lengwalo la tshepišo. Ge nkabe ba rutilwe go ya ka Lengwalo, gore leo le be le swanetše go ba leswao leo le latetšego Mesia!

64 Ke ba bakae ba ba dumelago gore O tla ka leswao la Gagwe la maleba? [Phuthego e re, “Amene.”—Mor.] Kgonthe, O dirile, O tla go ya ka tshepišo. Eupša ba be ba rutilwe thutotumelo, “Re dumela ka go *se*, gomme re dumela ka go *sela*. Bohle ba bona ba dumela go Modimo. Bohle ba bona . . .”

65 Lehono, rena Maamerika, kudukudu, re nagana gore re ya go šokelwa ka gobane re aga dikereke tše dikgolo, le go ba le badiša ba bakaone le dilo. Elelwang, ge seo se ka be se le bjalo, Modimo o hloka toka ge A re tšea ka tsela yeo; gobane, Kaine le Abele, barapedi ba babedi ba mathomo ka ntle ga Edene, ba agetše Morena aletara, bobedi bja bona ba dirile sehlabelo, bobedi bja bona ba neetše dimpho, bobedi bja bona ba rapetše, eupša yo motee o be a rereša gomme yo mongwe a phošetše. Hlokomelang, re swanetše re be le Therešo, gomme Therešo ke Lentšu la Modimo, ka mehla. Bjale go a swana lehono, batho ba fufatšwa kudu. Ba re . . .

Ke re, “A o—a o Mokriste?”

66 “Oo, ke nna wa selo sa gore le gore.” Le a bona, seo ga se ne selo go dira le yona. Ga ke ne selo kgahlanong le seo, eupša seo ga se se ke lekago go le botša. E ba wa kereke e ka ba efe o nyakago. Sekibo sa gago ga se dire phapano e itšego.

67 Ke be ke botša modiša mosong wo. Godimo ka Colorado ke be ke fela ke namela makaba, le go ya pele. Gomme ke be ke fela ke dula fale, maoto a ka go kgabaganya sala, ka mokgwa *woo*. Gomme Troublesome River Hereford Association e fudiša Troublesome River Valley. Morago o rotogela godimo ka godimo ga moedi, o hwetša lephakga la bohlabela le la bodikela. Dikgomo tšohle go tloga *fa* go ya godimo, ka go Association, di fula lephakga la bodikela; gomme—gomme sehlopha se ke bego ke na le sona, se fudiša lephakga la bohlabela. Morago ba be

ba na le legora la katološo fale go thibela dikgomo go thoto ya praebete, le godimo ka dithabeng go kgabola selemo.

⁶⁸ Gomme re be re tla kgobela dikgomo, dikibo tše nne goba tše tlhano go fapana, dikibo tše seswai goba lesome go fapana, mo nokeng, re tla kgobela dikgomo tša rena ka seruthwana, go di iša godimo fale. Gomme ke be ke fela ke dula fale, leoto la ka le putlile lenaka la sala, ka morago ga ge re tlišitše dikgomo tšohle, tšohle di be di kibilwe le se sengwe le se sengwe, go di thoma morago godimo go phulo.

⁶⁹ Gomme molemi o eme fale. O be a di bala ge di be di kgabola. Gomme ke lemogile go be go na le mehuta yohle ya dikibo. Mna. Grimes o bile le di—di—di Diamond Bar, gomme feela ka godingwana ga rena go bile Turkey Track, re bile le Old Tripod, gomme go be go ne mehuta ya go fapana ya dikibo e kgabotše fale. Eupša mo—mo molemi ga se a lemoge sekibo. O lemogile theke ya madi mo tsebeng. Go be go se selo se ka go ya go phulo yela, go boloka diasosiašene tša go tswadiša, ba dumelela dikgomo tša bona go tswadišo ya therešo, ga se gona se kgonnego go ya fale eupša Hereford ya mmakgonthe. E be e swanetše go thekiwa mo tsebeng, ka mmaraka wa madi.

⁷⁰ Ke tsela yeo go tla bago Kahlolong. Ga a ye go mpotšiša ge e ba ke be ke le mo—mo Momethodist, Mobaptist, Mopresbyterian. Sekibo se ke nago le sona se ka se re selo go Yena. Ga se selo eupša wa go tswalwagape, Mokriste wa go tswalwa ka Madi Madi a Jesu Kriste, yoo ke yo a tla tsenago. Ga se gona bonnyane se ka go tsena. Bjale re nyaka go elelwa, elelwang seo.

⁷¹ Bjale, ge A sa lemogwe, maatla a Gagwe a ka me-...ka mehla ga a utollwe, ge A sa lemogwe. Ga go tswhenyege bontši gakaakang Modimo a eme go ba gona, o swanetše go e dumela. Yeo ke phetho.

⁷² Boka mosadi ka taba ya madi. Bona batho bohle ba fetago, le bona bohle ba emego, ba re, “Rabi šole o a sepela. Yola ke Mothaka ya a tleleimago go ba Moprofeta. Yo ke lehlanya,” le tšohle dilo bjalo tše.

⁷³ Eupša go diregile eng? Mosadi yo monnyane yo o bile le taba ya madi, gomme o be a kwele ka ga Yena. Gomme ge a etla tlase fale, go sa kgathale se e ka ba mang a se boletšego, o lemogile O be a le Mang. Gomme o rile, “Ge nka no kgwatha kobo ya Gagwe!” Le a bona?

⁷⁴ Gomme ge tumelo yela ya mmapale, go Modimo, e bile selo sa kgonthe go yena, e lokolotše eng? E lokolotše maatla a Gagwe go mo fodiša. E Mo kgwathile ka tsela ye bjalo, O retologile gomme o mmoditše se se bego se le phošo ka yena, o rile, “Tumelo ya gago e go phološitše.” Ke eng e dirilego? Tumelo!

⁷⁵ Ba bangwe ba eme fale ba ka be ba be ba babja go mo feta, eupša, le a bona, o lemogile Bogona bja Gagwe. O tsebile woo e be e le monyetla wa gagwe.

76 Ge re ka no dira seo bošegong bjo, batho! Ge re ka no lemoga gore O bonala go rena ka go dikopano tše, bakeng sa morero o tee, e lego, go lokolla ditlhologelo tša rena tšeo re nago le tšona ka go Yena, go rena. Eupša re swanetše go lemoga Bogona bja Gagwe. Gomme bjale ka fao o lemogago Bogona bja Gagwe, ke ge Lentšu la tshepišo *la* lebaka le le dirwa go bonagatšwa, e sego Lentšu la tshepišo *la* lebaka *la* Moshe, goba lebaka le lengwe le itšego, tshepišo ya Lentšu go lebaka *le!*

77 Bjale re hwetša O ile pele thwi. Gomme Jairo, moisa yo monnyane godimo fale ka morwedi yo a hwilego, yena, o dumetše se A se boletšego e be e le Therešo. Bjale elelwang, o be a le moprista, gomme o be a ileditšwe, ka gobane go be go boletšwe ka maatla, “mang kapa mang yo a itswalanyago le Yena o tla beelwa ka ntle ga sinagoge.” Gabotse, ge eba o be a beetšwe ntle goba ge eba o be a se, o be a kgotsofetše gore Modimo o be a le gona ka go Kriste, gomme leo e be e le Lentšu. Gomme go dirile eng? Le lokolotše go yena maatla a tsogo a a bego a le ka go Yena; amene, gwa buša mosetsana yo a bego a hwile, le go robotšwa ntle, ka gobane o lemogile gore Modimo o be a le ka go Kriste, gomme Bogona bja Gagwe bo be bo le ka ntlong ya gagwe.

78 Eupša ka go toropokgolo yeo A godišetšwego gona, maatla ale a go swana a bego a le ka go Yena, ka go toropokgolo moo A goletšego, eupša ga se nke ba ke ba Mo lemoga. Bogona bja Gagwe, go bona, ga se bo re selo; mohlomongwe lehlanya tsoko. “Dilo tše di kae? Ba mpotša gore O dira *bjalo le bjalo*. Anke ke Go bone o di dira fa.”

79 A ga se le kwe seo? “Ge fale...Lena sehlopha sa mapentecostal, le lena batho, bao, le dumela ka go phodišo Kgethwa? *Semangmang* šo godimo fa, anke ke mmone a mo fodiša.”

80 Yola ke diabololo yola wa kgale wa go swana, wa go swana a rilego, “Ge O le Morwa wa Modimo, laela matlapa a go dirwa borotho.”

81 Diabololo wa kgale wa go swana, ge a bile le mahlo a Gagwe a pipilwe, ba Mmethile mo hlogong ka kota, gomme ba rile, “Bjale,” ba neetšana kota, yo motee go yo mongwe, gomme ba rile, “re botše ke mang a Go bethilego, gomme re tla Go dumela ge O le Moprofeta.” Ga se nke A tsoge. Ga A direle e ka ba mang motlae. Ya.

82 Wa go swana, ge A be a le sefapanong, o rile, “Ge O le Morwa wa Modimo, fologa sefapanong gomme o netefatše gore O Morwa wa Modimo.” A ka be a kgonne go e dira.

83 Ba Mo file tlotlo ye kgolokgolo A kilego a ba le yona, eupša ga se ba tseba. Ba rile, “O phološitše ba bangwe; Yenamong ga A kgone go iphološa.” Ge nkabe A ile a iphološa Yenamong, A ka be a se a kgona go phološa ba bangwe. O ineetše Yenamong

gore A kgone go phološa ba bangwe. Le a bona, ga se ba lemoga Bogona bja Modimo. Yeo ke phetho.

⁸⁴ Bjale bo lokolla maatla go fodiša, le eng? Bo tla lokolla maatla go bula mahlo a gago go Mo lemoga, goba go fofatša mahlo a gago gore o se tsoge wa Mo lemoga. Se se bulago mahlo a yo motee, se tswalela mahlo a mosedumele.

⁸⁵ Eupša, toropokgolo, ga se ba be le boitshepo ka go Yena. Ntlong ya Mofarisei, o Mo memile tlase; go Simone, Mofarisei, gomme o be a dirile selalelo se segolo, gomme Mofarisei o nyakile go netefatša go bona O be a se Moprofeta. Kafao o be a le morago fale a tšokotša ka digalase tša gagwe le dikopoletse tša gagwe, le dibipalefetla tšohle tše kaone ka ntlong.

⁸⁶ Gomme Jesu o be a tsene go feta mohlapišamaoto, gomme o be a dutše fase fa. Gomme, a le ditšhila, monkgo wa tšhe—tšhe tšhemo go Yena, moo diphoofolo di bego di le mo tseleng, le diaparo tša Gagwe. Ke lebaka leo ba hlapišitšego maoto ka go matšatši ao.

⁸⁷ Gomme, le a bona, selo sa mathomo, ge o memilwe go—go legae fale ka Palestina, ge ba be ba apara diramphašane tšela, selo sa mathomo ba se dirilego e bile go hlapiša maoto a gago, gomme morago ba go fa se sengwe; go sepela mebateng ya bona, mebetse ye megolo ya Baperesi le dilo, di le botse.

⁸⁸ Selo sa go latela ba se dirilego, morago ba go file oli tsoko ka seatleng sa gago. E hwetšwa go tšwa go apola ye nnyane yeo e hwetšwago godimo ka thabeng, apola ya rosa. Morago ga ge rosa e tlogile, e šia apola le monko o mokaone. Gomme ba—ba e fogohletša godimo ga sefahlego sa bona. Gomme mahlasedi ale a letšatši a go lebanya a Palestina a a šiiša, gomme, le a bona, seo se hlola go nkg. Gomme—gomme gona ge o dira, ka gona mongmotse o tla lebating le go ba atla mo molaleng le go ba amogela.

⁸⁹ Bahlapišamaoto bale ba tlogetše Jesu bjang go feta, ntle le go hlapiša maoto a Gagwe goba—goba—goba go Mo fa oli go itlotša Yenamong, goba e bile go Mo atla go amogela?

⁹⁰ Eupša go bile le mmalegogwana yo monnyane ntle mo mokgotheng. Bohle bale ba bodumedi fale bjale, sehlopha ka moka ga se sa Mo lemoga. Gomme mosadi yo monnyane wa tumompe, o lebeletše ka gare go kgabola, mohlomongwe keiti, gomme o Mmone a dutše boka letšoba la leboti.

⁹¹ Yeo ke tsela ye A lego lehono magareng ga sehlopha sa bodumedi le bjona, letšoba la leboti, a sa amogelwa, a sa nyakwe. “Ditšhila, matšhila, mopshikologimokgethwa,” ba E bitša, “mohuta tsoko wa mo—mo motho yo a sa felelago monaganong wa bona; mmolelelamahlatsapele, mmala monagano,” goba mohuta tsoko wa leina le lebe.

92 Gomme Jesu, ke tla tla go yona mo metsotsong e se mekae, o rile, “Bolela lentšu kgahlanong le Morwa wa motho, o tla lebalelwa; eupša ge Moya wo Mokgethwa o tllile go dira selo sa go swana, lentšu le tee o ka se le lebalelwe.” Le a bona?

93 Eupša fale mosadi yola yo monnyane o bone O hloka tirelo. Gomme o hlaganetše ka gare ka pela ka kgonthe, o ile le go tšea lepokisi la senkomonate le le tletšego oli. Ka kgonagalo o le rekile ka tšhelete ya bommalegogwana bja gagwe. Eupša e be e le eng? A ka be a naganne, “Yena ke—Yena ke Moprofeta. Eupša ke gopola mosadi yo mongwe go swana le nna, semelo se sengwe boka nna; o bile le monyetla gomme o Mo lemogile, gomme o ile a lebalelwa.” Godimo fale sedibeng sa Sikara, bošegong bja g feta re boletše ka yona. “Gomme ge feela nka kgona go fihla go Yena, ke a tseba ke Yena Mang, ke tla Mo direla tirelo. Ge ka moka ga bona, ga ke kgathale se ba se dirago. Ke tla Mo direla tirelo. Ke tla lemoga Yena ke Morwa wa Modimo.”

94 O kitimetše ka gare. O fihlile kgauswi le Yena kudu, gomme a ikwela go ba molato kudu. Yeo ke tsela ye modiradibe wa go itshola a ikwago Bogoneng bja Gagwe, go ba le molato!

95 Gomme megokgo ya thoma go ela, gomme o be a leka go e uta. E rothetše maotong a Gagwe. O be a eya go Mo lotša, eupša megokgo e rothela maotong a Gagwe. Gomme a thoma go e phumola, gomme—gomme a lla, gomme—gomme a e phumola ka diatla tša gagwe. Gomme—gomme maoto a Gagwe a be a phitsa ka tšhila ye e bego e le go ona; gomme—gomme ge o nyaka go e dumela ka kgonthe, le monkgo wa diphoofolo go tloga mmileng, yo mongwe le yo mongwe o sepetše mmila wa go swana. Gomme šole mola, monkgo go Yena, a dutše fale, gomme megokgo ya gagwe e be e rothela maotong a Gagwe, gomme o be a leka go e phumola. Gomme o be a se ne toulo.

96 Bobotse le tlhompho ya mosadi ke eng? Ke moriri wa gagwe. Ke ka lebaka leo bontši bja lena basadi lehono le o ripa wohle. Yeo ke phoša. Yena, o tšere moriri wa gagwe gomme a thoma go hlapša . . . maoto a Gagwe, le go a phumola, mo—mo moriri wa gagwe wo mobotse, a tloša monkgo go tloga go Yena, godimo ga gagwemong, a rwala kgobogo ya Gagwe. Oo, nna! Ke ge o lemoga ke Mang a lego bogoneng bja gagwe. Le a bona? Dikgaetšedi tša rena di ka swanelwa go nyakile ba eme ka hlogo tša bona, go hwetša moriri go lekanela go dira seo. Kafao fale o hlapišitše maoto a Gagwe, gomme a a phumola ka meriri ya hlogo ya gagwe, gomme o atlile maoto a Gagwe.

97 Gomme Simone yola wa kgale a eme morago fale, o rile, “Huh! Huh!” Oo, ke no kgona go mmona a phatloga. Ga se a lemoga O be a le Mang. O rile, “Ke le boditše O be a se Moprofeta. Ge nkabe A le Moprofeta, O be a tla lemoga ke mohuta ofe wa mosadi yo a lego tikologong ya Gagwe.”

98 Jesu ga se nke a tloša leoto. O nno mmogela. Gomme o be a tšhogile.

99 Gona ka morago ga ge A feditše, yena a Mo direla tirelo, O lebeletše gohle, o rile, “Simone, Ke ne se sengwe go go botša. O Mmemile fa. O Ntlišitše fa,” ka mantšu a mangwe, boradia mo letsogong la hempe ya gagwe. “O nyakile go Ntshegiša batho. O nyakile go netefatša gore Ke be ke se se Ke lego. Gomme wena, ge o Ntlišitše fa, o ka be o bile le maoto a Ka a hlapišitšwe, eupša ga se nke. O ka be o Mphile oli go tlotša hlago ya Ka, eupša ga se o dire. Ga se nke o Nkatile go nkamogela. Gomme mosadi yo, ge e sa le Ke eba fa, o hlapišitše maoto a Ka ka megokgo ya gagwe, gomme o a phumotše ka—ka moriri wa gagwe, gomme o atlile maoto a Ka kgafetšakgafetša ge e sa le Ke eba fa. Ke na le se sengwe kgahlanong le wena, Simone.”

100 Ka gona O retologela go yena. Ke kgona go eleletša ke mmona a eme fale, gomme mahlo a gagwe a makoto a mabotse ohle a na le mekgeledi, le sefahlego sa gagwe, le moo a bilego le makhura le—le lerole go tloga tseleng, mo sefahlegong sa gagwe. Gomme o a nagana, “Bjale afa ke dirile phošo? Afa ke dirile phošo?”

101 O rile, “Gomme Ke re go yena, tša gagwe ‘dibe tše e lego tše dintši, tšohle di lebaletšwe. Ikele ka khutšo.’”

102 E be e le eng? O ile a lemoga. O lemogile monyetla wa gagwe. Le a bona? O e dirile. O Mo diretše tirelo. Bafarasei ga se ba e dira. O e bone gomme o lemogile Bogona bja Gagwe, gomme go dirile eng? Go hlatswitše. Go lokolotše eng go yena? Tebalelo. E lokolotšwe go yena, tebalelo ya dibe tša gagwe. E dirile eng gape? Gape e lokolotše maatla a Modimo, go bontšha bona basedumele gore O be a le Moprofeta. O tsebile o be a le mang. Gape e lokolotše thabo le maatla le Bophelo bjo Bosafelego. E lokolotše seo.

103 Eupša yo a hlotšego sepikiri se se koto go kokotelwa ka go ona maoto a bohlokwa, ga se nke a ke a lemoga Bogona bja Modimo ka go Yena. Gape o nyakile A direle motlae tsoko wa go tšhipa, setlošabodutu tsoko.

104 Seo ke se lefase le se nyakago, lehono, ke sehlopha sa setlošabodutu. Ga se nyake Ebangedi. Ba nyaka go tlošwa bodutu.

105 Gomme Pilato o rile, “Ke tla rata go hlologela mohlolo tsoko go tšwa go Yena, goba se sengwe boka seo. Tlišang Yena godimo fa.” Thwi ka Bogoneng bja Modimo, gomme a Bo gana, ka gobane (eng?) gore o thabetše kgo—kgo kgopolo ya lešaba kudu go feta a thabetše monyetla go beng ka Bogoneng bja Modimo. Go diregile eng? Mosadi o ile a lebaletšwe, le go fiwa Bophelo bjo Bosafelego; eupša yena o lahlegetšwe ke monagano wa gagwe gomme a tshereana, le go ipolaya ka go ikgama ka meetse yenamong godimo ka Switzerland.

106 Bjale, tshwenyega, a išwa kgole ke kgopolo ya go tsebalega ya letšatši lela, gore, “O be a le Beletsebulu; O be a no ba tumeloboitirišo; go be go se selo kgonthe ka Yena,” yena, o dirile eng? E mo lahlegetše, o lahlegetšwe ke monyetla wa gagwe ka Bogoneng bja Modimo. A ka be a kgonne go lebalelwa. O rile, “Ke na le maatla go Go bapola. Ke na le maatla go Go lokolla.”

107 O rile, “Ga o ne maatla ntle le ge a etšwa go Tate wa Ka.” O be a swanetše go be a tsebile, ge nkabe a ile a tseba Lengwalo. Gomme yena, go beng Mojuda, o be a swanetše go be a tsebile seo. Eupša, le a bona, metlwae e mo dirile a rutwe fase. Yeo ke tsela ye go lego lehono. Ge nkabe feela a ile a rutwa gabotse! Ge motho nkabe a ile a dumela se Mangwalo a se boletšego! Eupša motlwae wa gagwe o mmeile kgole le yona.

108 Go swana le ge go le lehono. Batho ba tla tšea Ebangedi ya kgonthe, moo Moya wo Mokgethwa o tlogo ka gare, le maatla le letago la Modimo le lokolla badiradibe go tlogo sebeng le go ba dira go lokologa, le go ba kolobetša ka Moya wo Mokgethwa, le go fodiša balwetši, le go bontšha maswao le matete, gomme batho ba tla sepelela kgole, ba re, “Aa! Bjale o a tseba kereke ya ka e dumela eng? ‘Yeo ke ditšiebadimo!’” Le a bona, o a lahlegelwa; o rekiša tokelo ya gago ya tswalo. Esau yo mongwe!

109 Ba bantši kudu ba hwetša monyetla wa go swana lehono, go ema ka Bogoneng bja Gagwe bjalo ka ge ba dirile nako yela. Gomme go le bjalo, ka lebaka la kgopolo ya botsebagei, ba E gana. Go ema ka Bogoneng bja Modimo! Ke a makala, mogwera, bošegong bjo, ge eba rena batho ba re lego Bakriste, ka Bogoneng bja Gagwe, gomme re babja, ge eba re se ra gana monyetla wa go fodišwa ka go no Mo dumela? Rena ba re tleleimago go Mo dumela, ga re lemoge ka kgonthe Bogona bja Gagwe, se A se tshepišitšego go se dira lehono.

110 A hlatseditšwe ke tshepišo sebakeng sa letšatši, Jesu o be a kgalema moloko wola bakeng sa go se dumele leswao la Gagwe la Bomesia. Re a e bona fa, O be a ba kgalema. Ba Mmitša Beletsebulu! Ba nyakile A dire leswao la Moshe, mohlomongwe, a bule Lewatle le Lehubedu. Ga se ba nyake A dire leswao la Dafida, go tšea terene le mmušo. Eupša ga go Lengwalo le le boletšego gore O tla dira seo. O be a swanetše go ba Moprofeta. O etla, Kgoši. O be a swanetše go ba Moprofeta nako yela, gomme O dirile leswao leo Modimo a rilego O tla le dira matšatšing ao, gomme ba sa nyaka A dira leswao tsoko leo le kgahlilego bona. Le a bona?

111 Gomme ke no makala ge eba ga ra lebelela pele kudu pele bakeng sa se sengwe seo se lego thwi hleng le rena. Ke a makala ge eba go ka ba ka tsel ya go swana, ge re ka feta hleng le monyetla? Elelwang, bjalo ka dikai tša kgale, dikai ga di kgaoge. Leswao la mafelelo, go ya ka Jesu, O rile, “Bjalo ka ge go bile matšatšing a Sodoma, go tla ba bjalo mo matšatšing ge Morwa

wa motho,” e sego Morwa wa Modimo bjale, “ge Morwa wa motho a utollwa.” Lebelelang fa mo e dutšego lehono! Bagwera, nka le botša dilo tše dingwe fa tše go sa ntokelago go le botša, eupša di tla le tlabo.

¹¹² Ke nyaka go le botšiša potšišo ye nnyane ge re sa ema, pele re tšwelapele ka tirelo ye, feela metsotso e se mekae. Ke a makala ge eba nka le botšiša se.

¹¹³ Mang le mang o a tseba gore lefase, ka boemo, se sengwe le se sengwe se dutše ka lenaneo bakeng sa go Tla ga Gagwe. “Ditšhišinyego tša lefase mafelong a go fapana; ngwedi o falatša ntle madi a mahubedu, goba bohubedu bja bolekheno gohlehohle, a le khupetša,” bjalo ka ge Jesu a rile šetšang bakeng sa leswao lela mo matšatšing a mafelelo; “lewatle le rora, dipelo tša batho di idibala ka letšhogo, le tlabego ya nako, ditlalelo magareng ga ditšhaba.”

¹¹⁴ Lebelelang phapogo e sepelago lehono! E lebelelang lehono, kgolo ya diphesente tše masomenne ka California, ya mahomoseke, leratano la tlhago šetše le lahlegile.

¹¹⁵ Lebelelang go... Lebelelang lehono, ka fao batho ba tla dulago gae, ba ba ipitšago Bakriste bonabeng, gomme ba theetša batho bjalo ka Pat Boone, Elvis Presley, Ernie Ford, le bale ba opelago dipina ka Lamorena; gomme ba lebelela go tšona dilo, ba ba lebelela ba khisa bona basadi, le dilo ntle kua.

¹¹⁶ Mola, ga go monna a swanetšego go tsoge a khisa mosadi go fihla a mo nyala. Tšeo ke dithatana tša botona le botshadi di tswakana. A e be e ka ba eng e ka bago, ke phošo. Ke tiragalo ya thobalano ka kgonagalo. Ge dithatana tša botona le tša botshadi di kgwathana, ke tiragalo ya thobalano. Gomme e dirilwe... Monna o khisa monna mo molomong, go tla mo dira a hlatše, goba mosadi mosadi. Gobaneng go fapana? Ke—ke tiragalo ya thobalano, ka kgonagalo. Yeo ke nnete. Sekai sa Kriste a khisa Monyalwa wa Gagwe, le a bona. Le se tsoge la dira seo.

¹¹⁷ Eupša e lebelelang lehono, dimobi tše tšohle le dilo, gomme togotogo e tee ye kgolo ya go khisana le go gokarana. Gomme ka nnete e nyakile go ba bootswa bja phatlalatša, mogohle, gomme batho ba fofetše kudu ga ba e bone. Thwi! Se sengwe le se sengwe se ka seemong sa Sodoma, Bosodoma mogohle, bjalo ka ge Beibele e boletše.

¹¹⁸ Dilo tše dintši kudu, lebelelang mo letšatšing le, se A rilego se tla direga! Lebelelang tshepišo yeo A e dirilego, e tla direga letšatšing le. Gomme le e hlahlobeng, ka se se diregago, gomme le bone moo re lego, gona le tla bona ge eba O sa le ka Lentšung la Gagwe goba aowa.

¹¹⁹ Ba nyakile go bona leswao la Moshe, leswao la Dafida. Leo e be e se leswao bakeng sa lebaka la bona; le be le tshepišitšwe bakeng sa lebaka la Moshe le ona lebaka. Tshepišo bakeng sa lebaka le e swanetše go phethagala. O be a šetše a ba bontšhitše,

Yena, ka Lengwalo, le go ba mema go puruputša Lengwalo, go bona ke letšatši lefe ba bego ba phela ka go lona.

¹²⁰ O dira selo sa go swana thwi bjale! Puruputšang Lengwalo, lena ba le dumelago Beibele. Se se swanetšego go direga fa pele ga go Tla ga Gagwe?

¹²¹ Lebelelang lefase, ka go leemo; bjale, leo ke lefase. Lebelelang kereke, moo e lego. Lebelelang moo e lego, “e a wa, e bolelo, Laodikia, e ntšheditše Lentšu ntle.” Selo ka moka se eya ka go khansele ya dikereke ye kgolo, Khansele ya Dikereke tša Lefase, e bopa leswao la sebata; le Beibele e kwagaditšego e fošagetše, le dilo tšela tšohle, gomme efela Maprotestant ba sobelela ka go yona, ka hlogo, ba sa tsebe Lengwalo. Motlwae wa bona! Oo, ba nyaka mo—mo—mo—mo monna wa maatla, gomme ba ya go mo hwetša. Ba tla bona gore ba a e hwetša.

¹²² O bile le, lebelelang, eupša Jesu o ikwalakwaditše Yenamong ka phethagalo tlwa O be a le Mang, gomme a netefaditše go bona O be a le Mang, mo lebakeng la Gagwe.

¹²³ Gomme selo sa go swana lehono! Bjale lebelelang, a re tšeeng peakanyo yela ya Luka 17, “Bjalo ka ge go bile matsatšing a Sodoma.” Lebelelang lefase, lebelelang kereke, seemong sa Bosodoma! Lebelelang moo Lota a bego a le; ge banna bale ebile ba lekile go—ba lekile go gatelela mo lebating, go barongwa bale, banna ba.

¹²⁴ Lemogang, lebelelang fa. Go bile . . . Lebelelang, Abraham o be a le godimo mo thabeng. O be a se ka Sodoma. Seo ke sekai.

¹²⁵ Ka mehla go ne magoro a mararo a batho mokgobokanong wa sedumedi; badumedi, baitirabadumedi, le basedumele. Ka mehla bona ba bararo! Gomme ba be ba le fale; go na le Mosodoma wa mosedumele, Lota wa moitiramodumedi, le Abraham kereke ye e kgethilwego.

¹²⁶ Bjale, šetšang batseta ba bona letšatšing lela. Batseta ba babedi ba ile tlase le go rerela Sodoma. Ga se ba dire mehlolo e ka ba efe, feela ba nno ba fofatša. Go rerwa ga Lentšu go dira seo.

¹²⁷ Eupša šetšang ke mohuta ofe wa mohlolo Morongwa yo a o dirilego yoo a šetšego le Abraham. O bile le mokokotlo wa Gagwe o retolotšwe. Gomme o boditše Abraham leina la gagwe le be le fetotšwe; o mmiditše “Abraham” sebakeng sa Abram. O be a ka se kgone go ba le lesea go fihla leina la gagwe le fetotšwe, ebile le Sarah. O ba boditše se leina la bona e bego e le. Morongwa o ba boditše seo. Gomme O boletše gore O be a eya go etela Sarah go ya ka nako ya bophelo.

¹²⁸ Gomme Sarah o e segile. Gomme ge Sarah a segile . . . Monna ka mokokotlo wa Gagwe o retolotšwe, Monna a eja nama ya namane, le go nwa maswi go tšwa kgomong, le go ja borotho; Monna, lerole diaparong tša Gagwe, moeti, o be a le Modimo

Yenamong. Gomme Abraham o e lemogile ka gobane O tsebile dikgopolo tšeo di bego di le ka pelong ya Sarah ka morago ga Gagwe. O rile, “Gobaneng Sarah a a boletše ka teng ga gagwemong, ‘Dilo tše di kgonega bjang?’ A e ka ba na le eng e ka bang ye thata kudu go Modimo?” Le a bona? Gomme Sarah o kitimetše ntle le go e gana. O rile, “Ee, eupša o dirile.” Bjale, A ka be a tšere bophelo bja Sarah fale thwi, bakeng sa gagwe go se dumele, eupša, le a bona, yena ke karolo ya Abraham.

¹²⁹ Gomme gosedumele ga rena ka go ponagalokgolo ya Gagwe ka go iri ye; rena re karolo ya Kriste. O no, le a bona, rena re—re na re, le a bona, ya rena . . . O—O swanetše go e boloka.

¹³⁰ Bjale, hlokomelang, ga sa nke gwa ke gwa ba le nako mo historing ya lebaka la kereke . . . Gomme ke tseba moithuti yo motee wa kgonthe ke bolelago le yena, rahistori. Ga se nke gwa ke gwa ba. Nka botšiša moithuti ofe kapa ofe wa Beibele go mpotša motho o tee yo a kilego a ke a rongwa go lebaka la kereke, ka go kereke ye ge e sa le go bapolwa ga Kriste, bodiredi bja lefase ka bophara, yoo leina la gagwe le kilego la felela ka h-a-m, boka A-b-r-a-h-a-m, go fihlela letšatšing le. Sankey, Finney, Moody, Knox, Calvin; eupša ke kae go bilego le G-r-a-h-a-m pele, Billy Graham, moebangedi yo mogolo ntle fale le dikereke tša maina tšeo di lego ka Sodoma? Le gatee. Go na le Oral Roberts wa sebjalebja ntle fale le Mapentecostal, selo sa go swana. A le be le tseba seo?

¹³¹ Eupša, h-a-m! Bjale, G-r-a-h-a-m e no ba maletere a tshela, eupša A-b-r-a-h-a-m ke maletere a šupago. Tshela ke nomoro ya motho, mokgatlo wa motho, tiro ya motho; eupša A-b-r-a-h-a-m ke maletere a šupago. Bjale hlokomelang, ka Kereke ye e hlaotšwego yeo e gogetšwego ntle, e sego dikereke tšela tša maina, eupša kereke ye e Hlaotšwego go ema ntle, e swanetše go hwetša motseta, le yona, ka go matšatši a a mafelelo.

¹³² Ke eng e diragalago tlase fale? Ke eng e diragalago godimo fa? E bapetše le se Jesu a se boletšego. Ga se nke pele mo historing ra nke ra tsoge re dutše. Le maswao a go swana a a tla dirwago! A ga le lemoge, bagwera, le go lemoga ke Modimo e theogetše tlase ka go Ebangedi, ka go batho ba Gagwe, a itira go tsebja Yenamong? A ga le kgone go lemoga iri re phelago ka go yona? A re no be re itirile renabeng go phaphatha diatla tša rena gannyane nthatana, go raloka piano, le go reta se, gomme—gomme ra tloga kgole le Lentšu, go fihla re foufetše kudu go yona? Ka kgonthe ga ra dira. A re lemogeng iri yeo re phelago ka go yona.

¹³³ Petro, Nathane, goba Nathaniele, a ke re, le mosadi, ba le lemogile. Bona, ba—ba lemogile leswao la Gagwe, leswao la Bomesia.

¹³⁴ Sa go swana bjale bjalo ka dilo tše ke di bolelago. Ka gona go lebaka le, Jesu o rile . . . Bjale šetšang, O šupetša morago bjale, a

ba botša ka ga lebaka. Modimo, ka go lebaka e ka ba lefe, ge A rometše Molaetša wa Gagwe, e lego Lentšu la Gagwe, gomme a O hlatseditše go lebaka leo; batho bao ba le dumetšego, e bile nako e kgolo go bona; batho ba ba sego ba O dumela, ba ile tlhakatlhakanong. Go bile ka mehla.

¹³⁵ Boka matšatšing a Jesu, selo sa go swana. Šetšang A eme fa bjale. O rile, “Bjalo ka ge go bile matšatšing a Jona, ka go Jona; ka gobane bjalo ka ge Jona a bile mpeng ya hlapikgolo, matšatši le mašego a mararo, go swanetše go ba bjalo ka Morwa wa motho.”

¹³⁶ O rile, “Moloko wo mobe le wa bootswa o tla nyaka leswao.” Bjale le a tseba ke eng ke naganago O be a se dira? O be a profeta, “Moloko wo mobe le wa bootswa.”

¹³⁷ Ke a makala ge eba motho e ka ba ofe monaganong wa gagwe o feletšego a ka kgona go ganetša gore ga re phele ka molokong wa go fokola le wa bootswa, ge mahomoseke, phapogo! Gomme dipalo tša tlhale ka Amerika di godimo go feta setšhaba e ka ba sefe lefaseng. Gomme lefase ka moka le ile ka mpilobilong ya yona. Ba bararo go tšwa go ba bane ba bangwe le ba bangwe, go nyakile, ba hlakilwe; go dikologa, go tšea selo ka moka go dikologa mo mengwageng ye lesome ya lenyalo. Le a bona? Naganang ka yona! Tlhale, go nyala gape le go nyala gape, go hlala le go nyala gape. “Ba be ba eja, ba enwa, ba nyala basadi le go ineela lenyalong.” Lebelelang iri re phelago ka go yona. Ke neng go kilego gwa ba ka go mpilobilo o bjalo?

¹³⁸ “Moloko wo mobe le wa bootswa o tla nyaka leswao, hlokomelang, gomme ba tla amogela leswao.” Eng? Moloko wo. “Ka gobane boka Jona a bile mpeng ya hlapikgolo, matšatši le mašego a mararo, Morwa wa motho o swanetše go ba ka pelong ya lefase matšatši le mašego a mararo.” Ke seka sefe seo moloko wola wo mobe le wa bootswa o tla se amogelago? Leswao la tsogo.

¹³⁹ Gomme lehono, ka morago ga mengwaga ye dikete tše pedi, re sa bona Jesu Kriste ka maatleng a tsogo ya Gagwe, a eme magareng ga rena, a dira dilo tšeo A di dirilego nako yela le go tshepiša go di dira. “Moloko wo mobe le wa bootswa o tla nyaka leswao, ka mehla o nyaka ‘mpontšhe se, le ge o ka kgona go dira se le go dira se.’ Ba tla le hwetša, leswao la tsogo.” O a swana maabane, lehono, le go ya go ile; Lentšu le bonagaditšwe, le agile magareng ga rena. Re swanetše go leboga Modimo gakaakang bakeng sa leswao le legolo la Gagwe!

¹⁴⁰ Hlokomelang O šupeditše go se sengwe gape fale. O rile, “Gomme bjalo ka ge kgošigadi ya borwa e tla tsoga,” yoo ke kgošigadi ya Seba. Theetšang sekgauswi bjale.

Kgošigadi ya borwa e tla tsoga ka kahlolong le moloko wo, gomme o tla o ahlola: ka gobane o tlile go tšwa dikarolong tša kgolekgole tša lefase go kwa bohlale bja Salome; gomme, bonang, yo mogolo go Salomo o fa.

141 Hlokomelang, a re boleleng ka seo, metsotso e se mekae. O be a bala Beibele ya go swana re e balago, ka ga Jona, gomme O be a bala ka ga Salomo. Bjale, ge lebaka la Salomo le etla, o bile le . . . o bile le mpho ya go hlatha. Gomme batho bohle, setšhaba ka moka, se e dumetše. Yo mongwe le yo mongwe o be a le pelotee le mmero o tee. Yo mongwe le yo mongwe o e dumetše.

142 Ge yo mongwe le yo mongwe, bošegong bjo, ge Amerika yohle, e ka retologela morago go Modimo le go dumela Modimo, ke tiišetšo e kaonekaone yeo re nago le yona, e tla ba diširela dipomo tšohle le se sengwe le se sengwe gape.

143 Ga go yo a tlanketšego Salomo. Ba be ba mmoifa gobane o be a le monna yo a filwego. Gomme batho ba mo dumetše bjalo, o be a rometšwe go tšwa go Modimo, go fihla ba mo dirile kgoši ya bona. Ditšhaba tšohle di mmoifile; e sego ka lebaka la maatla a dira tša bona, eupša ka lebaka la gore Modimo o be a na le bona.

144 Gomme ge setšhaba se se se tleimago go ba Bokriste, se ka no kgona, bohle ba bona mmogo, ba kgomarela go dikologa mpho ye kgolo yeo re e filwego ka go matšatši a a mafelelo, Moya wo Mokgethwa wa Modimo godimo ga Kereke. E sego thutotumelo. Moya wa Modimo! “E sego ka maatla, e sego ka dira, eupša ka Moya wa Ka,” go rialo Modimo. Moya wo Mokgethwa, Jesu Kriste ka sebopego sa Moya, godimo ga rena, “wa go swana maabane, lehono, le go ya go ile,” a dira Lentšu le le phele se A rilego Le tla se dira. Setšang ka sekgauswi bjale.

145 Oo, ditaba di ile ntle go kgabola lefase! Ga se ba be le thelebišene le seyaalemoya, le dilo matšatšing ale, kafao e ile go tloga dipounameng go ya tsebeng. Gomme ka morago ga lebakana dikharabane tše kgolo di tlile thwi tlase go kgabaganya Leganata la Sahara, e lego leeto la dikgwedi tše tharo g tloga Palestina tlase go ya moo a bego a dula. Gomme tumelo e tla ka (eng?) go kwa, go kwa Lentšu la Modimo. Gomme o be a kwele ka ga kopano ye kgolo ye ba bego ba na le yona godimo fale, gomme nako le nako ge kharabane e etla go tšwa tseleng yela, o be a tla botšiša, “Afa le, a le tlile go kgabola Palestina?”

“Ee.”

“Oo, go reng ka yona?”

146 “Oo, go ka—go ka godimo ga e ka ba eng! Ga se nke wa ke wa bona go hlatha go go bjalo. Gomme e no ba boka modimo a dutše fale. Modimo wa bona o emetšwe ka go motho a bitšwago Salomo.”

147 Gabotse, “tumelo e tla ka go kwa.” Pelo ya kgošigadi ye nnyane e thomilwe go swarwa ke tlala go ya godimo le go hwetša ka ga yona. Le a bona, o be a beetšwe go Bophelo.

148 Hlokomelang bjale, selo sa mathomo go dira bjale, yena go beng mohetene, o be a swanetše go ya go hwetša tumelelo go moprista wa gagwe, go ya. Kafao ke eleletša ke mmona

a eya godimo go moprista wa gagwe, gomme a re, “Tate yo mokgethwa, ke a kwa ba na le tsošetšo ye kgolo godimo fale ka—ka Palestina. Ke tla rata tumelelo go ya godimo le go iponela nnamong.”

149 “Bjale, ngwanaka, bjale ga o nyake go hlakahlakana ka go ye nngwe. . . Morago ga tšohle, ga re dirišane le tsošetšo yela, kafao o—o ka se kgone go ya. O a bona, seo e no ba sehlopha sa ditšiebadimo. Ga go—ga go selo go yona. Bona batho ba tleleima ba tlile go kgabola Lewatle le Lehubedu, gomme ba dirile *se, sela*. Ga go selo go yona. Ge go be go le e ka ba eng boka seo se direga, go tla ba thwi fa ka kerekeng ya rena.” Re sa ne bahetene.

150 Kafao re hwetša gore o thomile go swarwa ke tlala. O rile, “Bjale lebelela,” o rile, “ba mpotša, gore, ‘Modimo wa bona godimo fale o emetšwe ka go motho, gomme bohlafe bja gagwe bo ka godimo ga e ka ba eng. Go hlatha ga gagwe go a makatša.’”

“Oo, ga go na selo go seo.”

O rile, “Eupša nka—nka no be. . .”

151 “Gabotse, lebelela, o kgošigadi, o ka se kgone go tswalana le sehlopha sa batho boka sela. Ke gore, o ka se kgone go dira seo. Sehlopha sela sa batho, se tsebja lefaseng gohlegohle bjalo ka mahlanya a bodumedi. O ka se dire seo.”

152 Eupša, le a bona, ge Modimo a eya go šogana le pelo ya motho, ga se gona se yago go e thibela. Monnamogatša, mosadimogatša, bana, modiša, ga se gona gape se ka kgonago go e thibela ge motho ka kgonthe a swerwe ke tlala ya Modimo. Ba a ya, go le bjalo. Kafao o bile komana, go ba komana.

153 Gabotse, o be a tla re, “Gabotse, ke tla no go fa. . . Ke tla—ke tla swanelwa ke go go kgaola go tloga kopanelong ya rena.”

154 “Gabotse, o ka se kgone go no dira seo. Ke a ya, go le bjalo. Ke ya go ikhweletša ka bonna mabapi le se sohle, le go bona.”

155 O be a tlišitše disekorolo gomme o be a badile se Jehofa a swanetšego go ba, ka ga baprofeta ba Gagwe le se a swanetšego go se dira, ka fao Lentšu la Modimo le tla bonagatšago, ka fao Le tla tsebago dilo tše ge le emetšwe, le širilwe nameng ya motho, se le tla go se dira. Gomme o be a badile dilo tšohle tše.

Ka fao ke tla mo kwa a re, “Gabotse, lebelela, puku ya rena e bolela *se*,” o boletše.

156 “Ee, lebelela, ke. . . makgolokhukhu khukhu khukhu wa ka o eme pele ga badimo ba go betlwa ba go swana. O eme le go bolela dithapelo, letšatši ka morago ga letšatši. Ga se nke gwa ke gwa ba le mosepelo o motee, go se kgotsofale go gotee, goba e ka ba eng gape. Gomme ke lapile, sebopego se sa kgale sa go hwa. Ke nyaka go yo bona ge eba go ne Modimo yo a phelago.” Go befile kudu ga re sa ne dikgošigadi tše dingwe tša bona lehono.

157 Kafao o bile komana go sepela. Bjale ge a etla go lefelo le moo a swanetšego go sepela, bjale, elelwang, o bile le bothata bjo bogolo. Ga se go be bonolo bjalo ka ge go ka ba go lena. Bjale lemogang se a bego a swanetše go se dira.

158 Selo se sengwe sese ke se nyakago, ga ke nyake go se tlogela. O boletše se, “Ke ya godimo fale, gomme ke ya go tšea tšhelete tsoko. Ke ya go tšea dimpho tsoko. Gomme ge eba ke therešo, ke ya go e thekga. Ge eba ga se therešo, gona nka gomiša tšhelete ya ka morago.”

159 Mosadi yola a ka ruta Mapentecostal. Ee, mohlomphegi. Le thekga dilo ntle fale tšeo di segago le go dira metlae ka phodišo Kgethwa, gomme efela le thekga mananeo a seyalemoya sebakeng sa kereke ya lena beng, yeo ke nnete, gomme la sega le go dira metlae ka tšona dilo tše le di dumelago.

160 Eupša o rile, “Ke tla e tšea. Gomme ge e se nnete, nka e buša morago.”

161 Bjale elelwang, ka lehumo le lohle fale, godimo ga dikamela. Gomme bjale elelwang, banamedi ba dikamela ba Baisimaele ba be ba le bahlakodi ba leganateng, ba be ba le ntle fale. Go be go ka ba selo se bonolo bjang go bona go kgerelga godimo—godimo ga bahlaselwa, gomme, gobaneng, ba ka be ba bolaile bona baleti ba sego nene le yena, gomme ba tšea tšhelete yela gomme ya be ge ba ile.

162 Eupša go ne se sengwe ka ga yona, ge ka nnete o ikemišeditše, gomme Modimo a ikutolla Yenamong, o ikemišeditše go bona Kriste, ga go na kotsi pele ga gago. Ebile ga o fe šedi! Ngaka o re o ya go hwa, ebile ga o e lemoge. Ge o gatelela, o a tseba go ne se sengwe fale.

163 Se sengwe tlase ka pelong ya gagwe, se tuka, tumelo go Modimo! [Ga go selo godimo ga theipi—Mor]. . . dikgwedi tše tharo go rarela godimo ga Leganata la Sahara. E sego ka gare ga Cadillac ya sefehlamoya. Aowa, aowa. O tšere dikgwedi tše tharo go kgabaganya Leganata la Sahara, mohlomongwe a sepela bošego, a bala disekorole, ka lefelong le lebotse mosegareng, go fihlela a goroga.

164 Bjale, ga go makatše Jesu a rile o tla ema mo matšatšing a mafelelo gomme a ahlola moloko wo, gobane ba bangwe ba bona ba ka se sepele go kgabola mokgotha; gomme yo mogolo go feta Salomo o fa, Moya wo Mokgethwa Yenamong. Le a bona? Ga go makatše o tla tsoga mo matšatšing a mafelelo gomme a ahlola moloko wo!

165 Šetšang, mafelelong o gorogile. Ga se a tle bjalo ka batho ba bantši, batho ba bangwe ba tla tla ka kopanong e šele. O a tla gomme o tšere dikamela tša gagwe, gomme o ile ntle ka kgorong ya ka ntle, a hloma ditente tša gagwe, gomme o be a eya go dula go fihla a kgodišitšwe.

166 Batho ba bantši ba tla tla, ba dula mohlomongwe metsotso ye mehlano, mohlomongwe metsotso ye masomepeditlhano. Ka pela ge moebangedi goba yo mongwe a bolela se sengwe seo se thulanago le se a—a naganago gore thutotumelo ya gagwe e a se bolela, goba ya gagwe, thutotumelo ya gagwe, ba tšwela ntle. Le a bona, ebile ga go mekgwa. Ga go makatše o tla ahlola moloko wo; o tla go dula go fihlela a kgodišitšwe.

167 Ke kgona go eleletša tirelo ya mathomo mosong wola, ge diphalafala tšohle di leditšwe, Modiša Salomo o tlile ntle. A ka be a be a dutše moragorago kua morago. O rile, “Bjale ke tla iponela nnamong. Ke a tseba seo ke se Jehofa a swanetšego go ba. Motho o kgona go dira ditleleimi, eupša ke tla hwetša.” Kafao o dutše fale letšatšing leo gomme o bogetše, gomme o bone yo mongwe le yo mongwe a etla sefaleng. O bone go hlatha fale go be go phethagetše.

168 Mafelelong, a re re karata ya gagwe ya thapelo e beditšwe, yeo ka kgonagalo e sa kago, eupša nako ya gagwe go tla pele ga Salomo ya tla. Gomme Beibele e boletše, gore, “Ge a etla go ema pele ga Salomo, gore Modimo o dirile Salomo go tseba diphiri tša gagwe tšohle. Ga go se se fihlilwego.” Ka gona mohlolo o dirilwe go yena.

169 Ka gona o retologetše go batheeletši, gomme o rile, “Dilo tše tšohle tšeo ke di kwelego ke therešo, gomme ebile ke tše kgolo go feta ke kwelego ka ga tšona.” Le a bona? Oo, go be go se sa na bophelo bjo bo šetšego ka go yena, mohemo wa gagwe o be o tšerwe go tloga go yena, gobane monna šo yoo a bego a sa mo tsebe, mosetsebje, o utolotše dilo tšeo a nyakilego go di tseba.

170 Oo, gomme Jesu a eme fale, a bego a le go feta Salomo kudu! O be a le botlalo bja Modimohlogo mmeleng. O be a le Morwa wa Modimo motswalwakekgarebe. O apere godimo ga Gagwe, gomme Jehofa Yenamong a bonagetše nameng. Gomme šo O be a eme fale ka botlalang, gomme ba rile ba ka se Mo dumele, go hlatha go go gologolo. Le a bona, O be a le Solomo a hlakane le Dafida, a hlakane le bohle ka moka ga bona bohle ba le ka go Yena. Baprofeta bohle ba be ba tatagane ka go Yena, yo mogologolo go feta Salome.

171 Gomme ebile le go letšatši lela, O rile, “Ge le bolela ona mantšu kgahlanong le Nna, Ke tla le lebalela. Eupša ge Moya wo Mokgethwa o etla, go tla ba go go gologolo go feta go le bjale, le go ahlola go gontši.”

172 Gomme šefa re eme lehono re bona gore yena Modimo wa go swana o dira sona selo sa go swana! Ke a dumela o tla tsoga Letšatšing la Kahlolo gomme a ahlola moloko wo, gobane o sokologile le go dumela molaetša woo Salomo a bego a o rera, gomme o dumetše go Modimo. O bone se sengwe sa kgontho.

173 Le a tseba, bothata ke eng lehono, go ne batho, batho ba bantši, le batho bao ba lego ba kereke le go ya gona le go ba le

thutotumelo. Le a bona, ba bone bontši kudu feela sa maaka, bontši kudu feela dihlwadieme, le bontši kudu bja moago wo mogolo wo mokaone. Gomme—gomme, rena, anke re se—anke re se tsoge ra fapogela ka go mohuta wola wa mantladima. Le a bona, Modimo ga a dule ka meagong ye megolo; O dula ka pelong ya gago. Le a bona, Modimo ga a dule ka go thuto ya bohlaile; O kgole le yona. O dula go kokobeleng, ka pelong ya gago.

¹⁷⁴ O dula Lentšung la Gagwe, gomme Lentšu la Gagwe le tla ka pelong ya gago le go ipolela Lonamong ntle, le go kwagatša. O hlatholla Lentšu la Gagwe Mong ka wena. O leka go hwetša yo mongwe A ka go mo swara, go bontšha gore O sa le Modimo. Le a bona? Gomme ke Yena, O tla dira seo ge A ka no hwetša yo mongwe A ka bolelago le yena. Ge A ka hwetša mosadi yo mongwe ka taba ya madi, O sa kgona go ka bolela selo sa go swana. O sa kgona go ka dira selo sa go swana, a dira go tsebja, a kwagatša. Re ka Bogoneng bja Modimo, re sa Bo lemoge.

¹⁷⁵ Go nkgopotša kanegelo ye nnyane. Nka no be nkile ka e bolela, ga ke tsebe. Ke tla rwala bjale thwi. Bjale ka ge bohle le tseba, ke—ke tsoma diphoofolo tše dikgolo. Gomme ke be ke le ka dikgweng tša leboa, ke fela ke eya fale go tsoma, nako tšohle. Gomme ke bile le mogwera wa ka godimo fale a bitšwago Bert Call. O be a le motsomi yo mokaone, e ka Moindia wa seripa. Ga nke ke tshwenyega ka yena, a ka se lahlege. Gomme kgonthe re be re le bakgotse, eupša yoo o be a le monna mobemobe, ka pelong, nkilego ka mmona. O nno se be le pelo le gannyane. O be a fela a thunya ditshepe tše dinnyane, tšeo ke masea a mannyane a ditshepe, feela go ntira ke ikwe gampe. Gomme o be a tla re, “Oo, lena bareri le pelwana ya kgogo. Billy, o ka ba motsomi wa paale ge o ka be o se moreri.” O rile, “O pelwana ya kgogo kudu.”

Ke rile, “Bert, yeo ga se pelwana ya kgogo.”

¹⁷⁶ Bjale, go lokile go bolaya tshepe ye nnyane ge molao o bolela bjalo. Abraham o bolaile namane gomme a fepa Modimo. Ga se bogolo bja yona goba bong bja yona.

¹⁷⁷ Eupša e no ba go ba bobo ka yona, gomme o be a tla thunya tšona ditshepe tše dinnyane le go no sega, go dira sesego gobane ke ikwetše gampe ka yona. Gabotse, bjale, o—o dirile seo.

¹⁷⁸ Gomme ngwaga wo mongwe ke ile godimo kua. Gomme o be a itlhametše yenamang nakana ye nnyane yeo a tla e letšago, boka tshepe ye nnyane, ka fao e bitšago, le a tseba, mmago yona. Gomme kafao o rile, “Hei, Billy, pele re thoma mosong wo,” o rile, “ke nyaka go go bontšha se sengwe ke se swerego.” Gomme o ntaeditše yona.

Ke rile, “Bert, o ka se diriše se sengwe boka seo.”

¹⁷⁹ O rile, “Oo, nke o itshware.” Gomme moisa o bile le mahlo feela boka mokgaritswane, boka ba bangwe ba basadi bao ba lekago go penta mahlo a bona, le a tseba bjang, ka mokgwa

wola. Le a tseba, o ntebeletše, ka mahlo ale a go bogega mokgaritswane, le leihlo, go nyakile go ntšhoša.

Gomme—gomme ke rile, “Bert, o se dire seo.”

O rile, “Oo, wena moreri wa pelwana kgogo!”

¹⁸⁰ Kafao re—re be. . . Ke bile thari go tsoeng nakong yela. Gomme meselamešweu yela ya leboa. . . Tshepe ya gago ya moola fale, o tla sepelela godimo go wena, eupša e sego yo mongwa wa mathaka ale. Nako le nako ge a thuntšhitšwe, yena ke. . . Le bolela ka Houdini a le makgone wa go phonyokga, ke magogorwane, go bona. Kafao go be go le thari gomme di be di thuntšhitšwe. Gomme tšona ditshepe di be di iphihlile tlase, di fula bošegong seetšeng sa ngwedi, gomme di robala mosegare. Re sepetše tsela yohle godimo go fihla Jefferson Notch ya kgale, thwi go fihla Mount Washington. Go bile, go be go le e ka ba diintšhi tše tshela tša lehlwa mo fase, boso bjo bobotse bja go lota mohlala; ebile ga sa nke ra tsoe ra bona mohlala o motee.

O rile, “O nagana eng, Billy?”

¹⁸¹ Ke rile, “Fale o di tšhošitše tšohle ntle fa, yona matšhenekane ya kgale le e thuntšhago.”

¹⁸² Gomme kafao re ile pele. Morago ga nakwana, e ka ba ka iri ya lesometee. Ka mehla re rwele le—le lebotlelo le letee le lennyane la flaseke le tletše tšhokolete ya go fiša. Ke gore ge o ka gobala, goba se sengwe gape, yeo ke setutuetšo, le sangwetše. Kafao e be e ka ba lesometee goba seripa sa lesometee, ke a akanya, re tla mo go bulegilego e ka ba bogolo bja arena ye fa, goba moago wo, gomme ga go dikota. Kafao o bile mokgwa wa go dula fase, a bea raborolo ya gagwe go itshama ka mohlare, a thoma go obeletša morago *fa*. Gomme ke naganne o be a eya morago go hwetša la gagwe—go hwetša lebotlelo la gagwe la flaseke. Ke naganne, “Gabotse, re tla ja.”

¹⁸³ Ka mehla re fihla godimo ka godimo ga thaba gomme ra ja, gomme yo mongwe o ya ka tsela e tee le yo mongwe ka tsela ye nngwe, gomme ra tla morago. Gomme re be re tseba tsela go dikologa, gabotse. Gomme ge re hweditše tshepe, re no e fega godimo, gomme nako yeo re a tseba, re ile le go thušana seng go di hwetša ka gare. Kafao ke naganne o be a no ya go ja lantše ya gagwe, gomme ra arogana, ka gobane go be go nyakile go ba godimo go mothalo wa dikota. Kafao ke. . .

¹⁸⁴ O obeleditše morago. Gomme ke thomile go tšea lebotlelo la ka la flaseke, go tšea tšhokolete ya ka, gomme ke thoma go iša ntle ka mokgwa wola. Gomme o gogetše nakana yela ye nnyane ya kgale ntle ga potla ya gagwe, gomme a e letša ka mokgwa *wola*. Gomme a ntebelela ka ona mahlo a go lebega mokgaritswane gape, gomme a letša nakana yela. Gomme ge a dirile, feela e ka ba bokgolo bjalo ka go kgabaganya moago wo, tshepetshadi ye kgolo bogolo e emeletše.

¹⁸⁵ Bjale ge ba bangwe ba dikgaetšedi tša rena ba ka se tsebe, tshepetshadi ke mme tshepe. Gomme, le a bona, nakana yela e be e le lesea, gomme le llile, gomme tshepetshadi ye kgolo e meletše. Gomme thwi e ka ba iri ya lesometee mo letšatšing, mang kapa mang a tsomago ditshepe o a tseba gore yeo ke nako ye mpe. Di robotše.

¹⁸⁶ Kafao o emeletše le go lebelela tikologong. Ke kgonne go mmona feela pepeneneng bjalo. O lebeletše morago go nna, gomme o e leditše gape. Gomme sebakeng sa go—go kitima, o sepeletše thwi ntle moo go bulegilego.

¹⁸⁷ Bjale, seo ga sa tlwaelega. Di ka se dire seo. Motsomi mang kapa mang o tseba seo. Gomme di ka se ke, gomme di ka se dire seo. Eupša o sepeletše thwi ntle fale. Gobaneng? O be a le mme; yola o be a le lesea. O be a le, le a bona, go no tswalwa ka go yena go ba mme, le lesea lela.

¹⁸⁸ Gomme Bert o lebeletše fase, a gogela sekwatlapane morago, go se theošetša tlase go masometharo o tshela yela. Gomme o be a ne maleba. Gomme ke mmone a lekanyetša tlase ka mokgwa *wo*, gomme ke tsebile o tla rathaganya pelo yela ya go botega thwi go phuleletša mahlakore a mabedi, kerane ya lekgolo le masomeseswai, koto ya mašerumo. Gomme ke naganne, “O kgona bjang go e dira, Bert? O ka kgona go ba bobbe kudu gakaakang, go biletša mme tshepe thwi ntle fale, gomme morago wa thunya pelo ya gagwe go tšwa go yena, gomme yena a leka go hwetša lesea la gagwe? O kgona go ba sehlogo kudu gakaakang go ka dira seo?” Ke be ke nagana seo. Gomme ke mmona a lekanyetša tlase ka mokgwa *wola*.

¹⁸⁹ Gomme ga se ke kgone, ga se ke kgone go e lebelela. Go be go no ba bontši kudu. Ke a thanka ke be ke le pelwana ya kgogo. Ke nno retolla mokokotlo wa ka, gomme ke naganne, “Modimo, o kgona bjang go e dira? Motho a ka kgona bjang go ba sehlogo seo, go dira seo, feela go thunya pele yela ya mme wa go šokiša thwi go tšwa go yena?”

¹⁹⁰ Bjale, o be a sa leke o itiriša. O be a sa dire pontšho. O be a le mme. O bone motsomi ge a lahlela sethunya sela fase, eupša a o kitimile? Aowa, mohlomphegi. Lesea la gagwe le be le le bothateng, gomme o be a leka go hwetša lesea la gagwe.

¹⁹¹ Gomme ke retolotše mokokotlo wa ka, bjalo ka ge ke boletše, gomme ka thomiša. Ke rile, “Morena Modimo, o kgona bjang go e dira?” Ke lemogile, le go leta, ka leta, sethunya sa se galagale.

¹⁹² Gomme ke retologile go dikologa le go lebelela, gomme sethunya se be se eya ka mokgwa *wo*. O be a sa kgone go se swara gape. O retologile go dikologa, ona mahlo a magolo a kgale a mokgaritswane a fetogile, dikeledi di leketla marameng a gagwe. O fošeditše sethunya leribeng, gomme o rile, “Billy, ke bile le go lekanela ka yona. Ntlahlele go Jesu yola o bolelago ka yena.”

193 Thwi mo lešing la lehlwa ke mo hlahletše go Kriste. Gobaneng? O bone se sengwe sa kgonthe, o bone se sengwe sa mmapale. “Ge ba ka swara . . . khutšo ya bona, maswika a tla goeletša ntle.” Mme yola o be a sa itiriši ka selo. O be a le mme wa mmapale. Ga go tshwenye ge go be go le lehu, goba eng e bego e le, o be a eme fale a lebane le lehu, a tseba gore feela nako efe kapa efe kolo yela e tla rathaganya pelo ya gagwe, eupša o be a le morago ga lesea la gagwe.

194 Oo, ge re ka no ba Bakriste bontši bjalo ka tshepe yela e bile mme! Gobaneng? O be a tswetšwe a le mme, o be a tswaletšwe go ba mme. Re tswaletšwe go dumela Lentšu la Modimo. Re tswaletšwe go dumela Jesu Kriste.

A re inamišeng dihlogo tša rena.

195 Ke ba bakae gonabjale, ka seatla se phagamišitšwe, ba ka rego, “Ngwanešu Branham, ka therešo ke tla rata go ba mohuta wa Mokriste yoo tshepetshadi yela ye nnyane e bilego mme. Ke—ke duma gore pelo ya ka e be e no tlala kudu ka Kriste gore ke kgone go ema go lebane le eng kapa eng gomme ka ba Mokriste wa kgonthe feela kudu bjalo ka ge tshepe e bile mme. Nna, bjoo ke mohuta wa boitemogelo ke bo nyakago”? A o ka emiša seatla sa gago? Modimo a le šegofatše. Seo se lokile. Modimo a le šegofatše. Ba bantši kudu, mogohle. Ke leboga kudu gore le sa swere se sengwe sa kgonthe ka go lena seo se tla le dirago le dumele.

196 Le a bona, go be go ka reng ge nkabe gore ga le dumele? A seo se be se ka se šokiše, go bona mosedumele mo lefelong moo dipelo tša bona e lego tše thata kudu go fihla ba sa kgone go dumela le gannyane, ba lahlilwe, ba ile, ba lahlegile, ba sa tsebe selo ka yona, ba sa tsebe ke iri efe gore lehu le ka kokota mo monyako? Le swanetše go sepelela ntle ka go Bokagosafelego.

197 Gomme Jesu o rile, “Ntle le ge motho a tswalwa gape,” a ba Mokriste kudu bjalo ka tshepe yela e bile mme, “o ka se tsoge wa bona Modimo; o fedile, ga go tshwenyege ke dikereke tše dintši gakaakang o di tsenago.” O be a bolela le moetapele wa bodumedi wa letšatši leo, Nikodemo, mokgalabje wa mengwaga ye masomeseswai, gomme a mmotša gore o swanetše go tswalwa, o swanetše o ba mohuta wa Mokriste boka tshepe e bile mme fale.

198 A go na le o tee a sego a emiša diatlala tša bona, bao ka kgonthe ba tsebago Bogona bja Modimo, ba Bo lemoga gomme ba re, “Ke a tseba ke phošo”? Ge o lemoga gore o phošo, o lemoga Bogona bja Modimo.

199 Eupša ge o sa tsebe o phošo, Beibele e rile, “Wena o madimabe.” Mo lebakeng le, kereke e tla ba “madimabe, go šokiša, go diila, go foufala, le go hlobola, gomme ga ba tsebe.”

200 Nno nagana ge monna goba mosadi mo mokgotheng, a le madimabe, go foufala, go diila, go šokiša, le go hlobola, gomme

o ka kgona go ba botša ba be ba hlobotše, gomme ba tla go theeletša, eupša go ka reng ge ba hlobotše gomme ba sa e dumele? A seemo sa monagano seo se lego!

²⁰¹ Gabotse, bjale, woo ke mohuta wa seemo sa semoya se lego. Batho ba foufetše semoyeng, ba madimabe, ba a šokiša, ba hlobotše pele ga Modimo, badiradibe ba leka go ikhupetša bonabeng ka morago ga matlakala a mogo a kereke tsoko ya leina, gomme ga ba tsebe.

²⁰² A o ka phagamiša seatla sa gago, yo mongwe gape? Modimo a go šegofatše. Yeo ke nnete. Morena a go šegofatše. Pele o . . . Mohlomongwe o mosetsebje fa, ga se nke o tsoge wa bona Modimo a dira selo se setee. Eupša pele o bona e ka ba eng, wena, o sa re, “Ke tla e amogela godimo ga motheo wa Lentšu. Ke a tseba gore yo mogolo go feta Salomo o fa; Moya wo Mokgethwa wo mogolo wa Modimo o gona. Ke a O kwa. Ke a O dumela. Ke tla phagamiša seatla sa ka. Ke modiradibe; ke tla kgopela bakeng sa phološo.”

²⁰³ Tate wa Legodimong, šegofatša bale ba ba nago le diatla tša bona godimo. Re kgopela gore kgaogelo ya Gago e fiwe go bale ba ba lego—ba lego badiradibe. Ke gore, mohlomongwe ke ba kereke. Bona, seo go le bjalo ga se re gore ga se bona badiradibe. Gomme ba phagamišitše diatla tša bona, ba nyaka go phološwa. Morena, go bile Sengwe hleng le bona. Ba lemogile Moya wo Mokgethwa fale. Gomme ba—ba lemogile gore O be e le Modimo, gomme O be o bolela le bona, gore, gore ba be ba se ne boitemogelo bjoo ba swanetšego go ba le bjona, gomme ba phagamišitše diatla tša bona.

²⁰⁴ O rile, “Yo a tla tlogo go Nna, ga go ka mo Nkago mo lahla.” Gomme ke a tseba seo ke therešo. O rile, ka go Mokgethwa Johane 5:24, “Yo a kwago Mantšu a Ka le go dumela go Yena yoo a Nthomilego, o ne Bophelo bjo bosafelego; a ka se tle Kahlolong, eupša o fetile go tloga lehung go ya Bophelong. Yo a tlogo go Nna, Ke tla mo fa Bophelo bjo bosafelego, go mo tsoša mo matsatšing a mafelelo.” Tšeo ke ditshepišo tša Gago, Tate.

²⁰⁵ Ke tleleima yo mongwe le yo mongwe wa bona. Mohlomongwe ba bangwe Bakriste, Morena, ba ba lekago go sepela go kgabola bophelo, ba leka go phela bokaone, letšatši le lengwe le le lengwe, gomme ba—ba nyaka boitemogelo bja—bja—bja mosepelo wo mokaone, ba phagamišitše diatla tša bona, le bona. Tate, ke a rapela gore O tla ba šegofatša. Anke ba hwetše golekanelagohle mola bošegong bjo ka go Kriste, Lentšu le dirilwe nama magareng ga rena. E fe, Morena. Ke ba gafela go Wena, ka Leina la Morena Jesu Kriste. Amene.

²⁰⁶ Modimo a le šegofatše. Gomme ge le dula go homola ka kgontho, le a bona, feela nakwana; oo, nna, ke metsotso ye mehlano ka godimo ga nako ya ka bjale. Ntshwareleng, ga se ke

nepe go bolela botelele bjoo. Ke a le botša, a re no letang feela nakwana, no mphang metsotso ye mengwe ye mehlano ge le rata.

²⁰⁷ Ke ba bakae ba tsebago se Modimo a bilego? Re tseba se Beibele e rilego O be a le, gomme Beibele e rile, “O a swana maabane, le hono, le go ya go ile.” Gomme Jesu o rile, ka go Mokgethwa Johane tema ya 14, temana ya 12, O rile, “Yo a Ntumetšego, mediro yeo Ke e dirago o tla e dira le yena.” E sego yo a itirišago go dumela, eupša, “yo a Ntumetšego.” A yeo ke therešo, badiredi banabešu ba ka? Yeo ke therešo. Ke babadi ba bakae ba Beibele ba tsebago seo ke therešo? “Magodimo le lefase di tla feta,” eupša Mantšu a Gagwe a ka se palelwe. O tshepišitše seo.

²⁰⁸ Bjale šeo fao, ga go pelaelo, batho ba go babja magareng ga lena ntle fale. Ga ke le tsebe, le gannyane. Gomme go netefatša se ke bego ke se bolela nakwana ya go feta, bjalo ka ge Morongwa wa Morena mo matšatšing a a fetilego, matšatši a go feta, ka, Jesu o rile, “Bjalo ka ge go bile matšatšing a Lota, go tla ba bjalo mo go tlang ga Morwa wa motho.” A le kgona go bona se ke bego ke bolela ka sona, ona maina le se sengwe le se sengwe gape maamong, kereke e dutše thwi, a le kgona go e bona? Bjale ke ne kgonthe le bala magareng ga methaladi ya dilo tšeo ke sa di bolelago, le bona se ke se rilego. Bjale ge lena batho ka fa, ba le babjago le go hloka, nna ke . . .

²⁰⁹ Ke taba mang ke nago le yona go ba fa? Ke tla be ke emetše eng fa, bjalo ka mofori? Ge nka be ke dira seo, ke nako go nna go . . . Nna, ga ke, ga ke kganyoge go phela. Nna, bokaone ke hwe. Nna, bokaone ke ye ntle le go ba e ka ba eng gape go feta go ba mofori. Gomme Modimo o tla ntirang? Gomme ga ke tsebe gore ke tla phela go kgabola bošego, ebile le wena ga o. Eupša mofori, re nyaka go ba . . . Go hola eng go beng mofori, ge o ka ba wa mmapale? Eupša, le a bona, E tla ba kudu go lena.

²¹⁰ Bjale, lebelelang, ge ke tleleima gore Mangwalo a a swanetše go phethagala, ao ke a badilego le go le bontšha mo mašegong a mabedi a go feta, se Jesu a bilego, se Bona bja Gagwe bo lego bjale! Gomme O swanetše go bowa mo matšatšing a mafelelo, re tseba seo, ka nama ya motho, le go itsebiša Yenamong ka tsela ya go swana. Bohle re tseba seo. A re se lemogile? E reng “amene” ge e le. [Phuthego e re, “Amene.”—Mor.] Go lokile. Bjale bakeng sa khomotšo ya lena, ke re go lena, ke re se go lena, ka Leina la Gagwe: O fa, Modimo wa go swana yo a fologilego gomme a bolela le Abraham, a bile le mokokotlo wa Gagwe o furaletše tente, gomme Sarah ka gare ga tente, O tsebile se a bego a se nagana.

²¹¹ O boletše selo sa go swana ge A etla fa. O lebeletše batheeletši gomme a bona se se bego se le ka pelong tša bona. Mosadi o kgwathile kobo ya Gagwe; O lebeletše tikologong go fihla A mo hwetša, le go mmošša.

212 Baratimeo wa sefofu o kgwathile kobo ya Gagwe, ge a goeleditše, “Wena Morwa wa Dafida, nkgaoegele,” a eme meelo ye makgolopedi go tloga moo A fetilego hleng. Tumelo ya gagwe e emišitše Morwa wa Modimo, mo tseleng, gomme a retologa go dikologa gomme o rile, “Mo tlišeng fa.”

213 Sakeo yo monnyane godimo mohlareng, a ikutile yenamong, o rile, kafao ga se a dumela O be a le Moprofeta, le ge e ka ba. Gomme Jesu o tla thwi, a ema ka tlase ga mohlare gomme o lebeletše godimo, gomme o rile, “Sakeo, fologela fase,” o mmiditše ka leina la gagwe.

214 Ge Jesu a sa nke a ke a bona Petro, gomme Andrea o be a mo tlišitše godimo fale. Ge A mmone a etla, o rile, “Leina la gago o Simone. Ke wena morwa wa Jona,” a mo fa leina la gagwe, o mmoditše o be a le mang.

O boditše Nathaniele moo a bego a le ntshe, se a se dirilego.

215 Mosadi, le ke mohuta ofe wa seemo a bego a le ka go sona, se bothata bja gagwe e bego e le, se bolwetši bja gago e bego e le.

216 Yoo ke Modimo, bagwera! Ke ba bakae ba dumelago seo ka pelo ya lena yohle, e reng, “Yoo e swanetše go ba Modimo”?

217 Ke ba bakae ba lena ka fa ba tsebago gore ga ke tsebe selo se tee ka ga gago, phagamiša seatla sa gago, o no re, “Ke a tseba monna yola ga a tsebe selo ka nna, feela—feela o no ba motho”? Seo ke se ke lego, feela ngwaneno. Ke mo go leka go go thuša.

218 Eupša ke a kwagatša! Ke ba bakae ba badilego puku ya ka le dilo? Lena, le a tseba, le dumela seo, Therešo? A ke matšatši a mafelelo. Gomme bjale Morena Jesu a re thuše.

219 Gomme ge A ka tla bošegong bjo. . . Gomme anke go se be o tee wa lena a ūthago. Nno dulang thwi mo madulong a lena moo le lego, gomme le dumele, gomme Morena Jesu o tla tla bošegong bjo le go tiišetša dilo tše tšeo A di boletšego, dilo tše tšeo A di tshepišitšego. Ge A ka di tiišetša go ba Therešo, a le tla dumela go Yena? [Phuthego e re, “Amene.”—Mor.] Dumelang!

220 Tate wa Legodimong, bjale ke boletše ka Wena, se O bilego, se O lego, bjale a O ka no tla pele mo tiragalong. Gomme batho bale ba dutšego ntle fale ka go batheeletši, basetsebje ka phethagalo, a O ka itira Wenamong go tsebja go rena bošegong bjo, Morena, gore re ke re tsebe le go lemoga gore Mangwalo a a phethagaditšwe, gore “Jesu Kriste o a swana maabane, lehono, le go ya go ile”? Gona ge eba re phela mo matšatšing a mafelelo, bjalo ka ge A boletše O tla ikutolla Yenamong mo matšatšing a mafelelo, boka A dirile kua Sodoma pele morwa wa tshepišo a goroga go Abraham, gabotse, peu ya bogoši ya Abraham yeo e lebeletšego bakeng sa Morwa wa bogoši, selo sa go swana se tla direga. Gomme šetša ebile le go mafelo, nako, maina, le se sengwe le se sengwe se phethagetše mo mothalong, Tate. Re thuše, re a rapela, ka Leina la Jesu Kriste. Amene.

221 Bjale ke nyaka lena le rapele, mongwe le mongwe wa lena. Feela e ka ba eng e lego phošo, o no Mo kgopela. Bjale Yena ke Moprista yo Mogolo.

222 Galeng, ke badiredi ba bakae ba lego ka moagong, phagamišang diatla tša lena, mogohle? Ke a thanka go ne ba masometharo goba masomenne. Bjale ke ba bakae ba lena le tsebago se, gore Puku ya Bahebere, Testamente ye Mpsha, e re botša seo thwi bjale “Jesu Kriste ke Moprista yo Mogolo yoo a kgonago go kgwathwa ke maikutlo a mabofokodi a rena”? A O ka phagamiša diatla tša gagwe gomme wa re, “Ke a tseba ke Therešo. Beibele e bolela seo”? Yeo ke nnete. Go lokile.

223 Gona ge A le Moprista yo Mogolo, O a swana maabane, lehono, le go ya go ile. Gona ge O mo kgwathile bošegong bjo, O tla dira boka A dirile morago fale. A yeo ke nnete? [Phuthego e re, “Amene.”—Mor.] Boka A dirile maabane!

224 Gabotse, ge mosadi yola a kgwathile kobo ya Gagwe. O re, “Oo, eupša ge nkabe nka kgona!” Tumelo ya gago e e kgwathile. Mmeleng, O e kwele. E bile tumelo ya mosadi, yeo e kgwathilego kobo. Tumelo ya gago e ka kgona go Mo kgwatha bjale. A o dumela seo?

225 Gona ge Lentšu la Modimo le bonagaditšwe, O tla utolla selo sa go swana le go bontšha selo sa go swana. A le dumela seo ka pelo ya lena yohle? [Phuthego e re, “Amene.”—Mor.] Go lokile, bjale nno Mo tshepang, Mo dumeleng. Le se belaele. Eupša ebang le tumelo go Modimo, gore O tla e dira. Yo mongwe ka tsela *ye*, no rapela gomme no dumela ka pelo ya gago yohle, morago yo mongwe ka lehlakoreng *le*. Gomme ge Modimo a ka dumelela motho o tee goba ba babedi ba le ba tsebago, ba ba šitwago, ke ba bakae ba lena ba tla dumelago gona gore re lemoga Bogona bja Gagwe? [“Amene.”] Gona seo ke sohle se lego bohlokwa. Seo ke sohle seo se lego bohlokwa.

226 Mohumagadi a dutšego thwi fale, a ntebeletše fale, a sotlega ka bothata bja pelo. A o a dumela Modimo o tla fodiša pelo, a go dira o fole? O ne bothata bja pelo. Ge seo e le nnete, phagamišetša seatla sa gago godimo. Ke nna mosetsebje go wena, a ga o tsebe? Eupša yeo ke therešo, go lokile, wena, mohumagadi, mohumagadi wa hlogopududu a dutšego fale. Go lokile.

227 Mohumagadi ka e talamorogo, o phagamišitše seatla sa gago fale, gore o—o . . . Bothata bja gago ke atheraithe. A o a dumela gore Modimo o tla go fodiša, ka atheraithe? Ge seo e le nnete, phagamišetša seatla sa gago godimo. O a bona? Go lokile. O a bona? Go no direga go phagamiša . . . Bjale Sengwe se tla godimo ga gago, a ga se se? O a bona, Seetša sela. Ke ba bakae ba kilego ba ke ba bona seswantšho sa Seetša sela? Sesela Se lekeletše, thwi godimo ga mosadi. Gateete maikutlo a mabose a kgonthe a tla godimo ga gago. Seo ke se e se dirilego, o a bona. Modimo o go šegofaditše, o go fodišitše, o go dirile o fole. A o a e dumela?

228 A o a dumela O tseba se e lego phošo ka wena? Ke Yena a nnoši a ka go fodišago. Ke morithi wo moso, go wa dihwahwa. Ge seo e le nnete, phagamišetša seatla sa gago godimo, mohumagadi yo moswa. O nagana go fapana gannyane go phala o dirile metsotso e se mekae ya go feta, a ga o? O a bona ge ke emišitše pitšo yela, go direng sela? Seo ke se e bego e le bakeng sa sona, e be e le bakeng sa gago. Bjale ge o ka dumela ka pelo ya gago yohle, ona moleko o tla go tlogela. A o tla e amogela le go e dumela ka pelo ya gago yohle? Modimo a go šegofatše. Sepela, e dumele.

229 Mohumagadi a dutšego thwi fa, a sotlega ka bothata bja mogodu, a o a dumela gore Modimo o tla go fodiša? Thwi fa mo mafelelong, a o a dumela gore Modimo o tla go fodiša, a go dira o fole ka bothata bja mogodu? O a dira, o a e amogela? Go lokile. Modimo a go šegofatše.

230 Ke mosetsebje wa go felela go mosadi, ga ke mo tsebe. O no ba mosadi a dutše fale, eupša Modimo o a e dira. A le a dumela ka pelo ya lena yohle bjale? [Phuthego e re, “Amene.”—Mor.] Go lokile, nno bang le tumelo.

231 Mohumagadi a dutšego thwi fa mo mafelelong, a sotlega ka bothata bja sabohloko. O na le maswikana ka sabohlokong, sebeti, e a go tshwenya. Ge seo e le nnete, phagamišetša seatla sa gago godimo; mosetsebje wa go tlala go wena, ge seo e le nnete. O a bona?

232 Mohumagadi a dutšego thwi kgauswi le wena, o a sotlega, le yena. O a Se bona, ga o kgone go bona Seetša sela godimo ga mosadi? Mohumagadi o ne bothata bja pshio. Yeo ke nnete. O ne mpholo wa madi o hlolwago ke mohlalologo ka dipshio tša gagwe. Yeo ke nnete, phagamišetša seatla sa gago godimo. Mohumagadi yoo a go kgwathilego morago, o sotlega ka bo—bo bolwetši bja megalatšhika. Bobedi le basetsebane, ga le tšwe fa. Yeo ke nnete, a ga se yona? O tšwa Iowa. O tšwa toropongkgolo ya Des Moines. Yeo ke nnete, a ga se yona? A o a dumela gore Modimo a ka mpoša leina la gago, boka A dirile Petro? Ge o ka dumela ka pelo ya gago yohle! Leina la gago ke Mdi. Wolff. Yeo ke nnete, phagamišetša seatla sa gago godimo. Go lokile, eya morago o fodile bjale, Jesu Kriste o go dira o fole.

233 A le lemoga Bogona bja Gagwe, le a tseba O fa? Gona le ka se bee diatla tša lena godimo ga lena seng bjale, ge Moya wo Mokgethwa o le godimo ga lena. Woo ke Moya wo Mokgethwa go lena. Bjale yo mongwe le yo mongwe wa lena a ka fola bjale ge le ka no e dumela. A le e dumela ka pelo ya lena yohle? [Phuthego e re, “Amene.”—Mor.]

234 Tate wa Legodimong, ga go selo se šetšego eupša tumelo. Bjale re ganetša leswiswi lohle. Ge tšošetšo, bjalo ka ge ke boletše mo mathomong, lephoto le theogetše tlase godimo ga meetse go le fehlela godimo le tlase, go—go—go tloša gosedumele

go lona; bjale ge Moya wo Mokgethwa o tšutlela morago le pele go kgabola batho fa, anke gosedumele gohle go tlošwe, gomme anke maatla a Ramaatlakamoka Modimo a lokolle motlaišwa yo mongwe le yo mongwe bošegong bjo.

²³⁵ Ke kgalemela diabololo. Sathane, ga o selo eupša phoretšo, gomme o senotšwe thwi fa magareng ga batho, ke bohlatse bja Lengwalo bja Jesu yo a phelago a tsogilego. Ke a go laela, ka Modimo yo a phelago, tšwa go batho ba gomme o ba tlogele ba ikele, bakeng sa letago la Modimo.

²³⁶ Bohle ba le amogelago phodišo ya lena, emang ka maoto a lena bjale gomme le re, “Ke a dumela. Ga go tshwenyega se se diregago, go tšea botelele gakaakang, ke sa tseba ke ya go fola. Ke a e dumela, ka pelo ya ka yohle.”

²³⁷ Phagamišetša seatla sa gago godimo bjale. “Ke a Go leboga Morena.” Tumišang Morena. Yeo ke nnete, Mo feng tumišo. Bjale nno phagamišang diatla tša lena gomme le Mo tumišeng bakeng sa phodišo ya lena, ka tsela ye le dirago dikerekeng tša lena. Ngwanešu . . .



BOGONA BJA MODIMO BJO BO SA LEMOGWEGO NST64-0618
(The Presence Of God Unrecognized)

Molaetša wo ka Ngwanešu William Marrion Branham, mathomong o abilwe ka Seisimane Labone mantšiboa, June 18, 1964, kua Municipal Auditorium ka Topeka, Kansas, U.S.A., o tšerwe go tšwa go theipi ya go gatišwa ya makenete gomme o ngwadilwe ntle le go fokotšwa ka Seisimane. Ye ya North Sotho tlhathollo e ngwadilwe gomme ya phatlalatšwa ke Voice of God Recordings.

NORTH SOTHO

©2020 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. BOX 950, JEFFERSONVILLE, INDIANA 47131 U.S.A.
www.branham.org

Tsebišo ka tokelo-kgatišo

Ditokelo ka moka di bolokilwe. Puku ye e ka ngwalollwa godimo ga sengwalolli sa ka gae go šomišwa ke mong goba go fiwa ntle, mahala ntle le tefo, bjalo ka sedirišwa go gaša Ebangedi ya Jesu Kriste. Puku ye e ka se kgone go rekišwa, go tšweletšwa gape ka bopepetla, go romelwa go website, go bolokwa go sedirišwa sa go bušetša, go hlathollelwa malemeng a mangwe, goba go šomišetšwa go kgopela ditšhelete ntle le tumelelo ya go ngwalwa ya Voice Of God Recordings®.

Tshedimošo ye e Tseneletšeng goba materiale yo mongwe o leng gona, ka kgopelo ikopanye le:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org